

本草彙言

七



本草綱目

九





皮木糖



合歡



棟實



刺莢



秦皮



皂莢



子食無



槐實



北京中醫藥大學圖書館藏



柳

無患子

檉皮

藥華木花

槐柳

訶梨勒

肥皂





蘇方木

榆皮

水楊

白楊

槐木

槐花

烏柏木





桐聖子



梓白皮



皂莢



青桐



梧桐



大楓子

本草彙言卷之九目錄

本部 喬木類

黃蘗

厚朴

杜仲

黃燭木

椿

根

乾漆

海桐皮

棟實

皮根

槐實

槐花

枝木皮

葉

根皮

樺木皮

秦皮

無食子

合歡

子

皂莢

皂莢子

皂莢刺

欖櫚皮

肥皂莢

無患子

莢核

藥華木花

訶黎勒

柳花

葉

檉柳

水楊枝葉

根

白楊

木皮

蕪夷

榆皮

樺木

蘇方木


烏柏木

巴豆

大楓子肉

梓白皮

楸白皮



青桐木
梧桐子
梧桐子皮
梧桐子油

本時香木能

本草綱目卷之六目錄



本草彙言卷之九

錢塘

倪朱謨純字甫選集

男倪洙龍冲之氏

木部

喬木類

黃蘗味苦氣寒無毒氣味俱厚沉而降陰也入足太陰爲足太陽引經藥

別錄曰黃蘗出漢中山谷及永昌邵陵山東諸處蘇氏曰今取蜀中皮緊厚色深黃者爲上如永昌邵陵山東者薄而色淺黃者稍次樹高數丈葉似吳茱萸又似紫椿經冬不凋外皮淺黃其裏深黃其根名檀栢結塊如松下茯苓雷氏曰凡使削去粗皮用生蜜水浸半日晒乾用

○黃蘗濟坎降離之藥也稟至陰之氣而得清寒之性益

陰清熱仗此專功凡陰火攻冲骨蒸鬱熱小腹急疾用



此能抑陰中之火。濕熱不清。膝脛疼痛。步履艱難。用此能清濕中之熱。若夫上焦之火。攻發口舌。以致舌腫口破。或齒牙浮動。咽喉腫疼。是皆虛火之上浮也。下焦之火。蓄積大腸。以致下痢赤白。後重迫痛。或小便黃赤。淋瀝渾濁。或癃閉不通。脹滿阻塞。或腳氣攻冲。嘔逆惡心。或五疸壅塞。遍身發黃。是皆濕熱之下侵也。俱用黃蘗可以治之。設或陰分之疼。酒炒方効。骨間之痛。鹽製乃神。至于濕熱不清。酒炒可也。內火燔灼。生用可也。血弱陰虛。童便拌炒可也。此隨證製度。又不可不詳慎也。此藥固能除熱益陰。然陰陽兩虛之人。病兼脾胃虛弱。飲食減少。或宿食不消。傷食泄瀉。或腎虛天明。溲清。此

特痛或陽虛發熱津竭口乾或子宮虛冷血寒不孕或
陽道衰微精寒不嗣或血虛發熱肌膚枯燥或產後瘀
血停滯或金瘡將潰發熱或癰疽潰後發熱或血虛不
眠陰虛煩躁等證法咸忌用。

○集方

陰虛方

治陰火攻沖骨蒸鬱熱用黃栢知母懷熟地地骨

皮麥門冬北沙參白芍藥各二兩茯苓北五味白朮各

一兩分作十劑清水煎服

東垣方

○治濕熱下流膝脛疼痛步

履艱難用黃栢蒼朮石斛茯苓木瓜牛膝烏藥當歸各

一兩俱用鹽水拌炒

方龍潭方

防風白朮各八錢分作十劑清水

煎服

○治火攻

上焦舌腫口破或齒牙浮動咽喉腫疼

並治用黃栢薄荷荆芥連翹半夏陳皮防風桔梗玄參

山豆根各一兩甘草四錢分作十劑清水煎服○治口

小口

疳臭爛用黃栢五錢銅綠三錢共爲末摻之去涎愈○

丹溪心法

治下痢赤白後重急痛晝夜無度用黃栢黃連枳殼厚

樸各一錢五分木通茯苓白芍各一錢甘草大黃各八

分清水煎服○治小便淋瀝不通或成白濁用黃栢車

馬瑞雲方

前子白芍藥各二錢甘草澤瀉各一錢瞿麥木通各三

錢水二大碗煎七分加白菓肉三十箇取汁沖入和服

霍氏晚香集

○治脚氣攻冲嘔逆寒熱用黃栢蒼朮厚樸川獨活青

皮牛膝木瓜柴胡茯苓各一錢清水煎服○治五疸遍

用後方

體發黃用黃栢秦艽各二錢茵陳五錢生薑五片水煎

服

厚樸味苦辛。氣溫。性燥。氣味俱厚。陽中之陰。降也。不足

陰。手足陽明經。

陶隱居曰。厚樸。出交趾。寬旬。及陝西。洛陽。江淮。湖南。蜀川。山谷中。今滑氏抄。以建平。宜都。及梓州。龍州者。爲最。木高三四丈。經一二尺。木皮鱗皴。葉似桐葉。四季不凋。李氏曰。五六月間。細花。紅色。結實如冬青子。生青熟赤。有細核。嚼之味甘美。寇氏曰。采樸以肉厚。色紫。多潤者。入藥最良。今伊陽縣。及商州。亦有。肉薄而枯。色淡白。不紫者。不堪用。雷氏曰。修治刮去粗皮。每一觔。用生薑四兩。搗爛。拌微炒。方可入藥。如不製。則棘人喉舌。

○厚樸寬中化滯。平胃氣之藥也。凡氣滯于中。鬱而不散。

食積于胃。羈而不行。或濕鬱積而不去。濕痰聚而不清。

用厚樸之溫。可以燥濕。辛可以清痰。苦可以下氣也。故

前古主中風傷寒。頭痛寒熱。嘔逆瀉利。蟲積痞積。或肺

氣脹滿。痰涎喘嗽。或胃氣壅滯。水穀不行。用此消食化

痰去濕散脹平土金二藏以致于中和也時人有云厚
樸益氣厚腸胃者蓋亦指邪氣去正氣自益之謂也
消腸胃自厚之意耳非消導之外復有補益之功也
者詳之

繆仲醇先生曰厚樸氣味辛溫性復大燥其功長于泄
結散滿去濕逐飲溫暖脾胃凡一切飲食停積氣壅暴
脹與夫冷氣逆氣腸鳴虛吼痰飲吐沫胃冷嘔逆腹痛
泄瀉及元氣壯實之人偶感風寒寒熱飽脹氣實之人
悞服參耆致成喘滿以上諸證誠爲要藥然而性專消
導散而不收畧無補益之功實有消導之勢故凡嘔吐
不因寒痰冷積而由于胃虛火氣炎上者腹痛因于血



虛脾陰不足而非停滯所致者泄瀉因于火熱暴注而
非積寒傷冷者腹滿因于中氣不足氣不歸元而非氣
實壅滯者中風由于陰虛火炎猝致僵仆而非西北真
中寒邪者傷寒發熱頭疼而無痞塞脹滿之候者小兒
吐瀉乳食發熱神昏將成慢驚者大人氣虛血槁見發
膈證者老人脾虛不能運化偶有停積者產後血虛腹
痛產後氣虛作喘產後吐逆泄瀉者以上諸證法所咸
忌世人不究其原一槩濫用雖或一時未見其害而清
純之氣默爲之傷耗矣可不慎哉

沈孔庭先生曰：厚樸辛、苦、溫、燥，入脾胃二經。散滯調中。推爲首劑。然配他藥，用則泄。

用則泄

實滿。故大柴胡湯用之。與陳皮、蒼朮同用。則除濕滿。故平胃散用之。與人參、白朮、麥蘖同用。則治虛滿。故調中湯用之。又同半夏、膽星。能燥濕清痰。同甘草、白朮。能和中健胃。同枳殼、萊菔子。能下氣寬腸。同紫蘇、前胡。能發散風寒。同山查、枳實。能疎氣消食。同吳茱、肉桂。能行濕燥陰。實有理氣行氣之功。但氣之盛者。用無不驗。氣之弱者。宜少與之。

○集方治氣滯中焦鬱而不散。或成脹滿痞痛。用厚樸一錢五分。木香一錢。陳皮、白朮各二錢。製半夏茯苓各一錢二分。甘草七分。水煎服。○治食積胃脘。羈而不行。致成脹悶痞結。用厚樸一錢五分。草薢仁、砂仁各三錢。

麴枳實白朮各二錢山查肉茯苓各一錢二分甘草

分加生薑三片大棗四枚水煎服○治濕鬱成脹用厚

樸一錢五分蒼朮陳皮各二錢甘草五分防風澤瀉各

一錢加生薑五片水煎服○治濕痰成飽或嘔吐用厚

樸一錢五分蒼朮製半夏各二錢陳皮茯苓白芥子各

一錢加生薑三片黑棗二箇水煎服○治中風心膈飽

脹飲食不入用厚樸一錢五分製半夏秦艽防風膽星

白朮茯苓各一錢二分水煎服○治傷寒頭痛寒熱不

清用厚樸柴胡黃芩製半夏各一錢甘草五分加生薑

三片水煎服有食加枳實山查各二錢嘔逆瀉利加藿

香木香黃連薑水炒各八分○治蟲積用厚樸檳榔各



二錢烏梅二箇水煎服或蟲積甚加使君子肉二十箇
去殼研成末配前藥共爲細末錫糖丸彈子大每早晚
各服一丸燈心湯下○治痞積年久不愈用厚樸薑本
炒晒乾於白朮土拌炒枳實麩拌炒三稜莪朮紅麴俱
酒拌炒各一兩作丸每食前服三錢米湯下○治風濕
寒邪肺氣脹滿痰涎喘嗽用厚樸一錢五分陳皮製半
夏杏仁桔梗枳殼桑皮各一錢二分蘇子白芥子茯苓
各一錢甘草七分生薑三片水煎服○治胃氣壅滯水
穀不行用厚樸一錢五分紅麴猪苓麥芽穀芽俱酒炒
各三錢甘草七分生薑三片水煎服

杜仲味辛甘氣平無毒氣味俱薄沉而降陽中陰也

少陰兼入足厥陰經乃肝經氣分之藥

別錄曰杜仲生上虞山谷及上黨漢中上虞在豫州城
號之虞非會稽之上虞也今出建平宜都而韓氏蘇氏
又言出商州成州峽州諸山大谷中樹高數丈葉似辛
夷又類柘葉嫩葉初生可食謂之棉芽花木皮狀似厚
樸折之白絲相連江南亦呼曰棉花實皆苦澁亦堪入
藥木又可作履以益脚也雷氏曰修治削去粗皮每一
觔用蜜四兩和塗火炙黃以透為度

○杜仲達下焦補肝腎壯腰膝之藥也蓋肝主筋腎主骨

肝充則筋強腎充則骨健屈伸利用故前古主堅筋骨
除痿痺定腰膝痛并肝藏風濕成虛脊背強直俛仰不
利屈伸不便及小便餘瀝陰汗濕癢者宜加用之故方
氏直指云凡下焦之虛非杜仲不補下焦之濕非杜仲

不利腰膝之疼。非杜仲不除。足脛之痠。非杜仲不去。然
色紫而燥。質綿而韌。氣溫而補。補肝益腎。誠爲要劑。如
肝腎陽虛。而有風濕病者。以鹽酒浸炙。爲効甚捷。如肝
腎陰虛。而無風濕病。乃因精乏髓枯。血燥液乾。而成痿
痺。成偃僂。以致俛仰屈伸不用者。又忌用之。

盧不遠先生曰。杜仲從土從中。其色褐。爲土尅水象。腎
之用藥也。腰本腎府。濕土爲害。必侵腎水。而腰先受之。
據名據色。可以療也。若象形如絡如綿。能使筋骨相着。
又一義矣。

○集方。治肝腎兩虛。筋骨不相榮養。以致腰脊痠疼。足膝
無力。將成痿躄者。用川杜仲八兩。切片。鹽酒浸一日。晒

乾炒焦以牛膝枸杞子川續斷山萸肉兔絲子玉絲黃
柏當歸身俱酒洗炒各四兩懷熟地酒煮爛搗爲丸
梧桐子大每早服五錢白湯下。○治包氏方小便餘瀝陰下

養用川杜仲四兩小茴香二兩俱鹽酒浸炒車前子一

兩五錢。山茱萸肉三兩俱炒。共爲末。煉蜜丸。梧桐子大。

每早服五錢白湯下。○治頻年墮胎用川杜仲川續斷

各五兩。切片。鹽酒浸一宿。炒燥爲末。煉蜜丸。梧桐子大。

每早服五錢。人參湯下。○治產後諸疾及胎藏不安。用

川杜仲四兩鹽酒醋總和浸一日炒碎爲末紅棗煮爛

去皮核。取肉爲丸。搗勻。丸如梧桐子大。每日早服五錢。人

參湯下。

黃櫨木。味苦。氣寒。無毒。

陳氏曰。黃櫨。生商洛山谷。及蜀黔地。界亦有之。葉圓木黃。可作染黃色。

○黃櫨木。解酒疸。除煩熱之藥也。苦寒涼血。故黃櫨木。汁。治大風癩疾。及湯火漆瘡。如入療疽除熱方劑。又當作飲服之。更便也。



中藥大學圖書館藏

椿

樗

氣味詳後

李氏曰椿樗二木南北皆有形幹皮葉大抵相類種也今據蘇冠兩氏之說細辨之各有異焉椿木體大而修長皮赤葉香味甘氣溫質實無花子性溫升發之用也樗木體幹小而迂矮皮白葉臭味苦氣寒質疎有花子性利無毒沉降之用也以朱觀之二物其不同者如此本草諸書分析尚未明確今辨別二種之異以俟博物君子再行查驗何如耳

○香椿殺虬蟲解蠱毒止疳痢之藥也陳氏自方云此藥甘

香溫澁而燥甘香能驟發新邪謂發瘡疥風癢及澁燥

能收斂陳氣謂除虬蟲蠱毒疳痢胃噎奔豚之類故孟氏方治婦人血崩

或產後血行不止并平常月信來多及赤白帶下取椿

根煎汁服即止則知性之止澁可知矣

前賢孟氏曰椿芽甘香而美膳夫入諸蔬菜肉食中大



能省胃氣。然多食亦動風發熱。出瘡疥。昏神氣。發痼疾。
○樗木根葉。主治相同。惟止痢疾。其功與罌粟殼。同于肉
相等。較其止澁治痢之功。更有倍于樗木根葉之力也。
前賢寇氏曰。洛陽一人。年四十餘。素縱酒無度。更嗜博
炙。魚蟹雞鵝肥味。日久忽患瀉痢。日夜二三十次。稀糞
挾膿血而下。大便連肛門。疼極不堪忍。一醫用止痢藥
不効。一醫以腸風藥。勢益甚。蓋腸風則有血無膿。如此
半載。氣血漸虧。食減肌瘦。服熱藥則腹愈痛。膿血愈下。
服寒藥則注瀉。飲食不進。如此期年。臥牀待盡。一人教
服樗皮散。其方。治大腸風虛。酒食過度。挾熱下痢。膿血
痛甚。多日不瘥。用樗根白皮一兩。川黃連五錢。俱炒黃
共爲末。每服二錢。人參湯調下。半日食。

乾漆味辛氣溫有微毒氣味俱厚降也陽中陰也通行

胃入厥陰肝經。

李氏曰乾漆出漢中金州梁州者最善益州廣州浙
亦有次之木高數丈幹如柿葉如椿花如槐實如牛
子木心色黃夏至後刻取坎限以竹管承之滴汁即成
漆也漢中金州者色極黑廣浙者色稍黃入藥以色黑
自然乾者狀如蜂房孔孔間隔但性急易燥熱則難乾
天寒陰雨亦易燥濕者不堪入藥修治取乾者搗碎微
炒熟不爾損人腸胃若沾人肉及衣以油塗之再以肥
皂熬之熱湯洗即去跡凡驗以稀者為好市家以桐油
攪入亂真試訣云微扇光如鏡懸高急似絲撼成琥珀
色打著有浮漚相感志云漆得蟹而化咸水蓋物性相
制然也如誤中其毒以鐵漿或
黃蘗木湯或豆湯或蟹湯並可。

○乾漆化痰血消蟲積斷尸勞之藥也別錄方主婦人經

脉不通疝瘕癥結心痛胃疼或小腹奔豚腸胃蟲積或

傳尸風勞蟲勞并大風癰疾目爛鼻崩手足拳攣指節

開裂形容惡變宜製熟服之。然性燥有毒瘀血得之卽化成水。其消鑠之力可知。凡經閉不通等證由于血虛而非瘀血結塊阻塞者切勿輕餌。

李蘋湖先生曰漆之爲物性毒而殺蟲氣烈而行血質堅而攻癰積所主諸病雖多總不外此三者而已。

王太和先生曰漆性燥燥而烈急而有毒治竹木皮革什用之物能堅固不壞續金石補漏孔絕無罅隙因質沾凝而體堅也着生物血肉皮毛之處受之無不腐爛入腸胃筋骨之間潰敗生靈不可救藥因氣悍劣而性有毒也何前古本草主補中續筋骨填腦髓久服輕身耐老成仙之說此荒謬不稽之言愚者信而服餌死不

旋踵後世好之徒妄爲附會其說云血者有形之物也形質受病惟辛溫散結者可入血分而消之乾漆是也瘀血消則中藏自補筋骨自續而腦髓自充矣瘀血消則骨蒸自退蟲勞自除咳嗽自止矣噫斯言一出明者相機而用奏効千萬中之一庸或有之倘蠶工鹵莽信手殺用貽害生靈天枉之禍寧有量哉不仁之端莫大于此

朱特采而錄之以昭後世云

經驗方

○集方治婦人血氣不和不曾生長將行經腹中耕痛不可忍及丈夫疝氣奔豚或卜腸弦急撮痛者用濕漆一兩熬一食頃入乾漆末一兩和丸梧桐子大每服六七丸溫酒下○治婦人經閉不來繞膝攢痛寒熱往來或

諸癥瘕等病。此藥削年深堅急之積滯。破日久凝結之瘀血。用乾漆一兩打碎。炒烟盡。川牛膝二兩炒。共爲末。以生地黃熬稠膏。和爲丸。如梧桐子大。每服十丸。空心溫酒送下。藥完漸消。當以六君子湯加薑棗。日服一劑。
○治心胃疼不止。用乾漆炒烟盡。玄胡索酒洗炒。各二錢。研爲末。每服五分。醋湯送下。
○治腸胃諸蟲攻痛。時有蟲下者。用乾漆炒烟盡爲末。每服三分。烏梅三箇。花椒二錢。泡湯調服。
○治傳尸風勞蟲勞。用乾漆一兩。醋洗炒烟盡爲末。每空心服三分。麥門冬湯調服。
○治大風癩疾。毫毛脫盡。或甚至目爛鼻崩。手足拳攣。指節開裂。形容惡變。用乾漆爲末。一兩和活蟹二兩。同搗成膏。

海桐皮味苦辛。氣平。無毒。氣薄味厚。陰中陽也。人足太陰。

陽明經。

蘇氏曰。海桐皮。生南海及雷州。凡近海州郡。多有之。大如手掌。有三尖。皮若梓皮。白而堅韌。可作繩。入水不爛。又一種。刺桐。生山谷中。文理細緊。而性喜折裂。體有巨刺。如櫨樹。其實如楓。又一種。顏桐皮。青葉圓大。而長高三四丈。開花紅色。成朶而繁。爲夏秋奇觀。

○海桐皮行經絡。去血分風濕之藥也。別錄開寶方主赤白痢。

疾延綿日久。或風眼腫赤。暴發流行。又主血脉頑痺。臂

膊痠疼。腰脚攻痛。動履不遂。凡風蹙痠痺之疾。特需用

之。如痢疾。赤眼。痺瘰。諸證。非關風濕者。不宜用。

○集方治久痢。內痔瘰癧赤白。止作不休。用海桐皮一兩。切碎。酒洗

微炒。水煎服。○治時行赤毒眼疾。合家傳染者。用海桐

本草卷三
海桐皮



皮一兩。切碎。鹽水洗。微炒。用滾湯泡。待溫。洗眼。去赤。止
痛。消腫。○治風毒攻走筋脉。臂膊痠疼。腿足麻痛。將成
痿蹙者。用海桐皮二兩。切碎。川芎。羌活。五加皮。枸杞子。
各二兩。牛膝。木瓜。各三兩。懷生地。六兩。俱入鍋內炒去
水氣。以麻布袋盛。入無灰酒三斗。磁瓶內浸之。春二夏
一。秋三。冬四日。將藥酒瓶入鍋內。隔湯煮二時許。取出
渣。每早午晚。隨量飲。常令醺醺。忌燒酒。雞鵝羊狗肉。并
海味糟物。

棟實味苦氣寒有小毒氣薄味厚陰也降也入足陽明經足太陰經

別錄曰棟實生荆山山谷及蜀今所在亦有之惟蜀者勝故時人稱爲川棟子李氏曰木高數丈生長甚速二五年即可作椽葉密如槐而稍長三四月開花紅紫色芬芳滿庭實如彈丸生青熟黃葉性滑利可浣衣練白蛟龍畏之故時俗以糯米用棟葉裹煮投江中祭屈原蛟龍不敢食也蘇氏曰棟樹有雌雄兩種雄者不結子根赤有毒服之令吐不止時有一吐竟欲死者雌者結子根白微有毒入藥用根用實當用雌者雷氏曰凡采得晒乾用時以酒拌蒸熟待皮軟剝去皮取肉并核槌碎用

○棟實散熱結導小腸膀胱之氣之藥也故前古主傷寒

溫疫大熱煩狂疝瘕攻心脹痛及小腸水道不通小腹急疾諸證經曰冬傷于寒春必病溫其主傷寒大熱溫疫煩狂者總因寒邪鬱久至春變爲溫病邪在陽明也



苦寒能散陽明之邪熱。則溫疫煩狂自除矣。又膀胱爲州都之官。小腸爲受盛之官。二經順氣化之令。而使之出。今痼疝攻築。則氣閉而小便不利。苦寒能散其邪熱。熱散氣通。則水道利矣。此劑但苦寒行散之物。以上諸證。非內熱氣結者。勿用。如脾胃虛寒之人。亦勿用。

○集方治熱厥心痛。乍痛乍止。身熱足寒。用川楝實去皮。

玄胡索各一兩。俱醋炒爲末。每服三錢。白湯下。○治一

切偏墜疝氣痛。不可忍。或鈎腎等疝。用川楝子肉五兩。

分作五分。一分用補骨脂五錢。同炒。一分用小茴香三

錢。食鹽二錢。同炒。一分用斑蝥七枚。去頭足。同炒。一分。

用吳茱萸二錢。同炒。一分。用牽牛子三錢。同炒。炒完楝

去食鹽吳茱萸班蝥只留補骨脂茴香同研爲末以紅

麴打糊爲丸如梧桐子大每服百丸空心白湯下○治

嬰兒冷疝氣痛脾囊浮腫用川楝子去皮核五錢吳茱

萸二錢五分俱微炒共爲末每服五分白湯調下

○楝根皮味苦氣寒微毒色赤者有大去蟲殺疥之藥也

洪氏方治小兒消渴有蟲用楝根白皮一握切碎水二

碗煎一碗空心飲之雖困頓不妨下蟲如虵而紅色其

渴自止小兒消渴病係有蟲人所不識也

○集方治小兒腹中有蟲用楝根白皮一兩切碎白蘘蕪

五錢俱微炒共爲末每以一二錢量兒大小增減白湯

調服次日蟲下○治小兒乾疥濕癬及禿瘡蠅蝨疥浸



淫瘡并一切諸瘡。用棟根白皮搗爛。和猪脂少許。熬之。卽愈。治大人疥癬亦可用。

病回春

治婦人諸病。因氣滯血不調者。用川棟實一兩。香附便煮。烏藥砂仁。當歸川芎。白芍藥各二兩。熟地黃四兩。酒煮。共搗細爲丸。每早服三錢。晚服二錢。白湯下。氣痛加吳茱萸五錢。身盛有熱。加半夏。茯苓。陳皮各一兩。脾胃不和。時作泄瀉。加白朮。補骨脂各二兩。○治乳癰潰爛。經年將穿膜者。用土棟實一兩。經霜者佳。雄鼠糞七錢。露蜂房五錢。俱炒微焦。研細末。每用三錢。食後酒調服。間日一服。服藥完。痛卽止。不數日膿血收斂。外貼長生膏而愈。

廣筆記



大學圖書館

梔實味苦氣寒無毒沉也降也入手足陽明兼入足厥陰經。

別錄曰梔生河南平輿蘇氏曰今南北處處有之陳氏曰小枝攬攬垂布如蓋其木不甚高其葉青綠而細有葉大而黑者名懷梔葉晝合夜開者名守宮梔李氏曰梔之初生季春五日而兔目淡白而鼠耳更旬而始規再旬而葉成四五月開顏黃花六七月結實黑褐作莢如連珠奇數者爲勝花未開時狀如粟粒採取煎汁染黃色甚鮮明而美初生嫩葉摘之晒乾可代茶如燻熟水淘過拌油醬可充蔬食謂之梔羹西人好食之折之挿園圃亦可生活禮書以世胄之家門庭多植之雷氏曰入藥用實取莢中奇數者以銅錘捶碎微炒用。

○梔實涼大腸潤肝燥之藥也故陳氏方主五痔下血腸

風瀉血赤痢毒血小便尿血崩淋下血及吐血咯血嘔

血唾血或鼻衄齒衄耳衄舌衄又肝熱風燥赤眼腫痛

凡諸燥火動血爲患悉宜用之此劑但苦寒純陰如脾

胃虛寒之人。時有泄瀉之證。或陰虛血熱。而見以上諸證。而非實熱者。或外象似同。內因實異者。切宜思服。吳梅坡先生曰。槐。感天地陰寒之氣。而兼木水之化。況晝合夜開。是得氣于陰。槐字從鬼。鬼爲陰之精。冬取其火。冬亦時之陰。故前古主五內邪熱。氣入血分。入隱僻之地。爲涼血要品。血不熱。則陰自足。目疾與痔證交相愈矣。

外臺秘要

○集方治內外痔瘡。用槐角子一斗。搗汁。晒稠。或慢火熬稠。以苦參數兩。切碎。微炒。研爲末。和爲丸。梧子大。每服五十丸。白湯下。兼作挺子納下部。和劑局方治五種腸風瀉血。糞前有血名外痔。糞後有血名內痔。大腸不收名脫肛。

穀道四面努肉如碎妳頭名鼠妳痔大者名牛妳痔

上有孔名瘦瘡內有蟲名蟲痔並皆治之用槐角子去

梗四兩炒地榆當歸酒洗炒枳殼麩拌炒防風黃芩炒

各一兩爲末酒糊丸梧子大每服百五十丸米湯下○

治赤痢毒血用槐角子四兩酒洗炒白芍藥二兩醋炒

木香五錢焙共爲末每早服三錢白湯調下○治小便

尿血用槐角子三錢車前茯苓木通各二錢甘草七分

水煎服○治婦人崩淋下血用槐角子八兩酒洗炒丹

參四兩醋拌炒香附二兩童便浸炒共爲末飴糖爲丸

梧子大每早服五錢米湯下○治吐血咯血嘔血唾血

或鼻衄齒衄舌衄耳衄用槐角子八兩麥門冬去心五

兩用淨水五十大碗煎汁十五碗慢火熬膏每早午晚各服三大匙白湯過下。○治赤眼腫痛昏暗用槐子二兩川黃連五錢白芍藥一兩俱酒洗炒研爲末蜜丸梧子大每晚服百丸白湯下。○治惡瘰腫毒一切癰疽不問已成未成但焮痛者用槐花微炒胡桃肉湯泡去皮各一兩無灰酒二碗煎十餘沸隨量熱服未成者一二服已成者二三服卽効。○治痔瘡如桃或行役過勞或乘驢馬有傷其痔大作腫脹突出寒熱僵臥不能行動以槐枝濃煎湯洗淨痔上以艾壯如痔頭大灸二七或三七壯漸消。

槐花味苦氣寒無毒入手陽明足厥陰經。

寇氏曰未開時采收貯陳久者良入藥宜微炒此藥大寒以水煮一沸出之其稠滓爲餅晒乾染色更鮮也

○槐花涼大腸清血熱之藥也張元素方治腸風瀉血濕

熱便紅氣痔酒痔蟲痔脉痔總因濕熱下干大腸血分

必須用之如蘋湖方稱治赤白痢疾往往用此取效亦

其意耳然苦寒下降如脾弱胃寒之人宜斟酌行之

○集方治腸風瀉血普濟方用槐花炒研細末每服三錢早晚食

前白湯調服或用槐白皮煎湯亦可○治酒毒下血用

槐花炒微焦一兩黑山梔五錢共爲末每早食前服二

錢白湯調服○治諸痔出血此氏家秘方用槐花二兩地榆蒼朮各

一兩五錢甘草一兩俱微炒研爲細末每早晚各食前

服二錢氣痔因勞損中氣而出血者人參湯調服酒痔因酒積毒過多而出

血陳皮乾葛湯調服。蟲痔。因痒而內有蟲動出血者烏梅湯調服。脉

痔。因勞動有傷痔竅血出遠射如線者阿膠湯調服。○治赤白痢疾。用槐

花微炒。三錢。白芍藥炒。二錢。枳殼炒。一錢。甘草五分。

水煎服。

○槐葉味苦。氣平。無毒。煎湯浴。孟氏方小兒疥癬。漱大人齒牙風

痛。又濃煎汁飲。治產難氣隔不下。

○槐枝味苦。氣平。無毒。療大風痿痺。別錄方釀酒飲之。治陰囊濕

痒。痔瘡膿血。煎湯洗之。治崩漏暴下血。聖惠方炒熱腹上熨之。

治疥癬。定痒止痛。燒煙塗之。治齒牙去風殺蟲。止痛。煨

灰搯之。

○槐木皮根白皮俱味苦。氣平。無毒。明錄方煎湯洗一切爛瘡。陰



囊濕痒。陰疝核腫。諸般痔瘻。及婦人產門痛癢。又煎汁飲。治中風身強不能屈伸。四肢痿痺。腰膝疼痛諸疾。王太和先生曰。槐之一物。分類有六。而治病凡二十。總不外清火散結。去風收濕。活血五事而已。其花色黃。五瓣。意在斯乎。

樺木皮。味苦。氣寒。無毒。氣味俱薄。降多升少。陰也。入足陽明經。

陳氏曰。樺木皮。形似山桃皮。生遼東。及臨洮。河州西北諸地。其木色黃。有小紅斑點。其皮厚而輕。浮柔軟。皮匠家用襯鞢裏。及裹刀靶。或裹弓靶。鞍轡等物。胡人尤重之。以皮卷油蠟。可作燭點。

○樺木皮散。風熱解。癰毒消。五疸清。時行豌豆瘡之藥也。

寇氏云苦寒善降能散鬱熱風毒輕浮柔軟能消乳毒
癰瘍但寒淡清脆之物如脾胃冷弱易于作泄者勿
服久服

○集方治五疸發黃用樺木皮鈴兒苗陳各等分煎湯作

林氏家妙

茶飲○治肺風毒瘡遍身瘡疥如癰及隱疹瘙癢面上

風刺并婦人粉刺用樺木皮枳殼各四兩俱炒焦黑荆

芥穗二兩甘草八錢共爲末以杏仁二兩水煮過去皮

研如泥拌入末藥內每服二錢食後白湯調下○治乳

癰初發腫痛結硬欲破一服卽瘥以北來真樺木皮燒

存性研末每服三錢無灰酒調下一臥卽瘥也○治乳

癰腐爛不收口用舊樺木皮燒灰酒服一錢日一服



秦皮味苦氣寒性瀉無毒沉也降也乃足厥陰少陽經藥

蘇氏曰秦皮出陝西州郡今河陽亦有之其木幹皆青綠葉細如匙虛大不光不作花實皮上取皮漬水色便青碧作字色亦青碧方真。

○秦皮欽精收淚息崩止痢之藥也此藥味苦性瀉而堅

能收欽走散之精氣故仲景用白頭翁湯以此治下焦

虛熱而利者取苦以瀉之之意也別錄方止男子精虛

婦人崩帶甄氏方又治小兒驚癇身熱及肝熱目暗翳

膜赤腫風淚不止等疾皆緣肝膽火鬱氣散以致疾以

此澄寒清碧下降之物使濁氣分清散氣收欽故治眼

科退翳膜收淚出治婦人科定血崩止白帶治大方科

止虛痢欽遺精治小兒科安驚癇退變蒸發熱奈時人



僅知治目一節。幾于廢棄。良爲可惋。朱采前賢曾存有

之說。特表而錄之。以俟後之君子。聽其取用云。倘脾虛

胃寒人又宜少之。

○集方治傷寒熱利下重。用秦皮白頭翁川黃連黃蘗各

五錢水煎服。○治男子精虛自遺。用秦皮山茱萸各一

兩水煎服。○治婦人赤白帶下及血崩不止。用秦皮三

兩丹參二兩當歸身一兩俱酒洗炒研爲末煉蜜丸梧

桐子大每早服五錢白湯下。○治小兒驚癇發熱及變

蒸發熱。用秦皮茯苓各一錢甘草五分燈心廿根水煎

服。○治肝熱目赤腫痛翳膜眵障或風淚不止。用秦皮

一兩川黃連三錢水一升煮七合澄清。日溫洗。○治



大學圖書館

血痢連年不愈用秦皮薔薇根各等分水煎服
冠氏本草身無故生癩瘡用秦皮一兩煮汁飲之服七日漸消
農皇本草治風寒濕痺寒熱洗洗用秦皮一味水煎飲

無食子味苦氣溫無毒

蘇氏曰無食子卽沒石子生西戎沙磧間樹似榧西陽
雜俎云出波斯國土人呼爲摩澤樹高六七丈圍八九
尺葉似桃而長三月開花白色花心微紅子如金彈蟲
食成孔者入藥最佳其樹一年生無食子次年生拔屢
子大如指長三寸中仁如栗又方輿志云大食國者一
年生蒲盧子圓扁亦如栗大寸許中仁亦可食次年生
無食子彼國呼爲麻茶澤間歲互生一根異產如此又
一統志云無食子生大食諸番中樹如檳結實如中國
者炒以漿水砂盆研令盡焙乾再研如烏犀色爲度
者炒以漿水砂盆研令盡焙乾再研如烏犀色爲度
(一)無食子澁腸固泄溫中止痢之藥也唐本草云其味苦



澁其氣溫和其性欽瀉故止久痢氣陷下也暴泄氣欲腸滑

不禁用爲要餌推此收瀉溫欽之能故又能烏髮

精血收陰汗也如痢疾由濕熱鬱下腸胃兼積滯未清

者不宜驟用

○集方治血痢不止音蘇方用沒石子一兩爲末米糊丸小豆大

每食前米湯下百丸○治大人小兒無故暴泄聖惠方用沒石

子二兩爲末每服二錢人參湯調下小兒減半○治大

人小兒口瘡用沒石子三箇甘草五分共研末摻之如

小兒月内生者以少許塗乳頭上令吮之入口卽活不

過三次愈



合歡味甘氣平無毒入于少陰足太陰經

農皇經註曰合歡生豫州山谷別錄曰生益州
谷今所在山谷亦有狀如狗骨樹蘇氏曰餘似梧桐
直而挺枝甚柔弱葉似皂莢細而繁密互相交結
風來輒自相解絕不相牽五月開花色紅白上有
秋月作莢子極纖薄收采皮葉用之不拘時月寇氏
言合歡花上半邊白下半邊紅為花之異其葉至夜
合今東西兩京人家植之庭除園池之間雷氏曰修
取皮刮去粗皮用其葉嫩時煉熟水淘和油蜜可充
食之

○合歡皮蠲忿忘憂安五藏和心志之藥也如前古云久

服輕身明目令人歡樂無憂得所欲

即孔子從心所欲之意

乃甘

溫平補有開達五神消除五志之妙應也又觀其花晝

則開夜則合得天地陰陽啟閉之常不特安五藏亦可

安衛氣晝出于陽夜入于陰更可安營氣之周行經隧

調和血氣者也。如陰陽營衛血氣咸得安常。則五神之心神、肺魄、肝魂、脾意、腎智亦咸得其和矣。五神既安。有肝之怒、脾之悲、肺之憂、腎之恐也耶。如是推之。始于天地陰陽開合之得其常。則營衛出入自和。營衛出入既和。則血氣經隧自調。血氣經隧既調。則五神自安。五神既安。則五情亦無復妄動。五情不復妄動。故令人歡樂無憂。得其所欲。而翩翩自適。若神仙人矣。故云久服輕身。輕身非飛昇之謂歟。

前賢張潔古老人曰。土爲萬物之母。心爲君主之官。脾土虛。則五藏不安。心氣躁急。則神明內亂。而遇事拂鬱。而多憂。此藥味甘氣平。主益脾土。脾實。則五藏自安。味

甘氣平。主和緩心氣。心氣和緩。則神明自暢。而歡樂無憂。神明暢達。則覺照圓通。所欲咸遂矣。如俗語云。管管忘憂。合歡蠲忿。正二藥之謂歟。又大氏方主消癰疽。續筋骨者。皆取其能補心脾。生血脈之功耳。

前賢朱丹溪老人曰。合歡屬土。與火補陰之功甚捷。古云。散癰疽。長肌肉。續筋骨之功。槩可見矣。又與白蠟同人膏藥中。用極神効。而外科良工。未曾錄用。何也。

○集方治心虛有熱。變山氏五則天王補心丸。○治肺虛有熱。四君子

湯。○治脾虛有熱。歸脾丸。○治肝虛有熱。鼈甲丸。○治

腎虛有熱。六味地黃丸。五方俱倍用合歡木皮。酒洗炒。

加入。○治外科癰瘍證。未潰可消。已潰可斂。隨證隨方。



俱可加合歡木皮作煎作散作丸作藥酒咸宜用之。
治肺癰唾濁心胸甲錯韓氏謂行方取合歡皮一掌大水二升煎取
一升分作二服。
治撲損骨折用合歡樹皮去粗皮炒白一處方
黃色四兩芥菜子炒一兩共研爲末每服二錢溫酒臥
時煎服以滓敷患處接骨神効。

○合歡枝治中風攣縮和桑枝各等分浸酒飲。
○合歡子治疝氣和橘核茴香各等分水煎服。

皂莢味辛鹹。氣溫。有小毒。氣味俱厚。浮而散。陽也。不足厥陰。手太陰陽明經。

別錄曰。皂莢生雍州山谷。蘇氏曰。今所在皆有。以膠漆者爲勝。樹極高大。李氏曰。葉似槐。瘦長而尖。枝間多刺。夏開細花。黃色。結實有三種。一種短小。形似猪牙。一種細長。瘦薄。枯燥而不粘手。一種長大。肥厚。多脂。而粘手。如入藥。取猪牙者佳。其樹多刺。難于采取。用竹篾箍樹本。其莢過夜盡落。亦一異也。有不結實者。將樹本鑿一大孔。入生鐵屑三五觔。外用泥封孔口。次年卽結莢。且數倍。有人以鐵砧槌皂莢。砧卽自損。或以鐵礮礮之。礮卽成孔。或以鐵鍋鑿之。鍋卽爆。片白落。豈皂莢與鐵有感召之情耶。雷氏曰。修治取赤色肥厚。如猪牙不蛀者。新汲水浸一宿。銅刀刮去粗皮。槌去子。并弦晒乾用。用者惟堪作末。或熬膏。切勿煎汁爲飲也。

○皂莢利氣透竅。驅風行痰。消穀食之藥也。性惟猛急。故

利氣透竅。一吸而通。巢氏論治中風口噤。人事不明。或

鬼魘卒死。癰癰痰結。或升降隔絕。氣塞喘急。或頭風頭



痛淚出目脹。以上諸證皆由氣竅不通不利爲痰爲結爲風爲癰之故。此藥宜壅導滯。有斬關奪路之功。如九竅不通。腸胃壅閉。痰涎垢膩。氣結暴病。用之立時奏效。如中氣虛弱。不能運痰。以致痰涎不利。或陰虛水寒。煎熬津液。以致結而爲痰。或虛極生風。風虛內攻。以致猝然仆蹶。世人多以稀涎散吐之。損其中氣。竭其津液。津液愈耗。則經絡無以榮養。輕則爲拘攣偏廢之疾。重則甦而復蹶。終致不起者多矣。用者當斟酌可否以行之。貴乎得其宜耳。

○集方治氣道不利升降不周爲脹爲滿用猪牙皂莢一錢周服字方小去皮弦子炒於白朮茯苓各一兩炒木香五錢不見

火共爲末煉蜜丸每服二錢米湯下○治諸竅不通因

氣因痰因風因火暴病閉塞者用猪牙皂莢製法如前爲細

末吹入鼻內卽通○治風癰疥癩或皮膚麻木死肌風

痺頑皮等證用大皂莢二十條去皮子弦切碎水十五

碗熬成稠膏每日用少許搽患處再以十茶匙枸杞子

湯調服內服外搽藥完卽愈○治胸中一切痰結不行

用皂莢三十挺製法如前清水五升浸一夜煎汁半升如稠

濾出渣用半夏八兩醋煮熟晒乾生明礬三錢共爲細

末和入皂莢膏內搗勻爲丸如梧桐子大每服三錢柿

餅湯下○治大人小兒多食穀麥糖豆諸物不消用皂

莢末三錢枳實一兩白朮五錢俱炒研爲末生薑湯調

上海圖書館藏

服三錢。小兒減半。○治中風口噤不開。涎潮壅上。用皂
莢爲極細末。每服一錢。白湯調下。氣壯者二錢。以吐
風涎爲度。或用數分。吹入鼻內。取嚏亦可。○治中風口
喎。用皂莢五兩。爲極細末。用米醋和之。左喎塗右。右
塗左。如乾取落。再用米醋調濕。更上之。○治鬼魘。不省
用皂莢爲細末。吹入鼻內。卽甦。○治自縊將絕。以皂莢
末吹鼻中。取嚏卽甦。○治癰癤風痰。取痰如神。用大皂
莢八兩。去皮并子。以蜜四兩。塗之。慢火炙透。搥碎。以熱
水浸一時。慢火熬成膏。入麝香少許。攪勻。攤在夾綿紙
上。晒乾。剪作銅錢樣片子。每用三四片。入白湯一盞。淋
洗。以筆管取膏湯。吸入鼻內。待痰涎流盡。卽愈。○治小

余居士選奇方

降隔絕氣逆喘急有痰唾濁不得臥用長皂莢

一挺

皮弦子一莢用巴豆肉五顆麻油浸一夜一莢用生牛

夏十顆生薑汁浸一夜一莢用杏仁十顆礬水浸一夜

俱各包藏皂莢內用線紮住一總再以蜜湯浸一夜次

日放大碗內浮湯上蒸三炷香取起出巴豆半夏杏仁

俱研極細再將皂莢肉晒乾微炒亦研極細總和一處

每用末藥一分五釐臨臥以生薑湯調下立効此方氣

實痰結不通者可用元虛者當斟酌行之亦可治水腫

膨脹○治頭風頭痛暴發欲死用長皂莢一挺去皮弦

子切碎蜜水拌微炒研爲極細末每用一二釐吹入鼻

內取嚏再用一分以當歸川芎各一錢煎湯調下○治

楊梅結毒。蛙疳。用皂莢爲末。配鍾乳石。白礬。真珠。象

牙。各五錢。加牛黃。冰片。各八分。共研極細末。每服

人參湯調下。○治癰疽便毒。用長皂角一條。醋熬。將數

之屢効。○治二便關格不通。用皂莢燒。研爲末。米湯調

下三錢。○治風蟲牙痛。用猪牙皂莢。角燒。鹽。各等分。爲

末。日搗之。○治便毒腫痛。用皂莢炒焦。真鉛粉炒。共爲

末。以熱醋調攤紙上。貼患處。頻頻以溫湯潤之。○治婦

人吹乳。用猪牙皂莢。去皮爲末。和蛤粉少許。拌勻。用熱

酒調服。一錢五分。○治小兒頭瘡。粘肥臭穢。及白禿瘡。

用皂莢燒黑爲末。洗去痴。敷之。不過三次。卽愈。○治中

風昏昏如醉。形體不收。或倒或不倒。或口角流涎。斯須

不治。便成危篤。此證風涎潮于上。胸痺不通。急宜吐之。
用大皂莢肥實不蛀者。四挺。去黑皮。白礬明者一兩。共
爲末。每用五分。重者八分。溫湯調灌下。不大嘔吐。只是
微微出稀冷涎。或出一升二升。當待醒醒。乃用他藥調
治。然不可大吐。恐過劑傷人。此方屢効。

皂莢子。味辛甘。氣溫無毒。

寇氏曰。皂莢子。畧春。炒去赤皮。以湯泡軟。煮熟。可拌糖食。

○皂莢子。疎導五藏壅氣。祛風潤燥。利寇氏之藥也。

○集方阮氏治年久瘰癧。用皂莢子一百枚。米醋一升。煮乾。再

炒鬆酥。看瘰子多少。有一箇服一枚。十箇服十枚。細嚼
米湯下。酒浸煮服亦可。○治腰脚痛風。不能履地。取皂
莢子一千二百箇。洗淨。微炒燥。爲末。蜜丸梧子大。每空
心服百丸。白湯下。此方兼治風癩病人。大便秘。脚氣病
人。大便秘。咸宜服之。○治下痢積滯不止。諸藥不効者。
用皂莢子炒燥。爲末。米糊丸梧子大。每服百丸。茶下。用
三服。宿垢去盡。卽變黃色。屢効。○治腸風下血。用皂莢
子。槐實各一兩。用糯米糠拌炒。俟焦。揀去糠。取皂莢子。
槐實二件。爲末。每空心服二錢。白湯調下。○治瘡癰可
預免。每年六月六日照年歲一歲一粒。吞皂莢子。白湯
吞下。如年大者。以二十一粒爲率。不拘大小人皆可用。

皂莢刺。味辛。氣溫。無毒。

沈氏曰。皂莢刺。宜用頭刺。極尖銳者。佳。刺下節。如枝硬者。力薄。不及也。

○皂莢刺。拔毒祛風。攻走血脈之藥也。故丹溪翁言能引

諸藥直達病所。至癰疽根處甚捷。凡癰疽未成者。能引之以消散。將破者。能引之以出頭。已潰者。能引之以行膿。于瘍毒藥中。爲第一要劑。又泄血中風熱。風毒。故厲風藥中。亦推此藥爲開導前鋒也。

姚繼元先生曰。皂莢刺。性銳力利。治癰風癩疾。遍身疙瘡。甚則鼻塌眉落。指節折裂。筋痿骨摧。肉爛血凝。皮膚腐生蟲之證。併一切風癰風瘡。搔癢風屑。與苦參同用。其力更倍。



○集方治癰疽惡毒

醫鑑初集

卷九

外發內發欲破未破在四肢肩背肚

腹之外者則痛極大腫在胸膈腰脇肚腹腸胃之內者

則痛極大脹用皂莢刺飛尖一兩乳香沒藥當歸川芎

甘草各二錢白芷花粉金銀花各五錢水酒各一碗煎

一碗半毒在上食後服毒在中半飽服毒在下空心服

未成可消已成卽潰在外者膿血從皮肉出在內者膿

血從大便出三劑見効○治大風癰瘡體廢肢損形殘

存齋孔氏方

貌變者用皂莢刺飛尖一觔微炒研爲極細末赤鯁蛇

一條切碎酒煮去骨取肉焙胡麻仁三兩生半夏二兩

真鉛粉一兩俱炒燥研爲末和皂莢刺末一總水發爲

丸如棗豆大晒乾入淨磁瓶內每早晚各服三錢白湯

下。○治小兒重舌。用皂莢刺灰入朴硝減半。冰片少許。苦茶漱口。搽藥舌下。涎出自消。○治產後乳汁不行。乳房腫脹。或腋下腫脹。欲成癰毒者。用皂莢刺蔓荊子各等分炒焦。爲細末。每服三錢。白酒調服。三服立消。

櫻櫚皮。味苦澁。氣平。無毒。其子主治同。

○○蘋湖李氏曰。櫻櫚樹出嶺南。川廣山谷中。今江南兩浙入閩亦有之。最難長。初生葉如白及。葉高二三尺。大如扇。其尖上聳。四散岐裂。其莖三稜。四時不凋。其幹正直。無枝。近葉處有皮裹之。每長一層。卽爲一節。幹身赤黑。其木皆筋絡柔結而韌。宜爲鐘杵。亦可作盤碗器物。其皮有絲毛。錯縱如織。剝取縷解。可織衣帽。薦褥。椅坐之屬。大爲時用。每歲必兩三剝之。否則閉悶而死。或不長也。三月間。于樹頂莖中。出數黃苞。苞中有細子。乃花之孕也。狀如魚子。謂之櫻筍。漸長出苞。則成花。穗黃白色。結實累累。大如豆。生黃熟黑。其堅實。其葉連莖剝。

櫻櫚皮

天

海味
大學圖書館藏

取。俟乾黃。水中浸一夜。絲絲直解如縷。
其莖削去稜。執之如噓。髮月可逐蠅蚊。

○櫻櫚皮。澁腸收痢。止血定崩之藥也。宋嘉祐方治崩中。
帶下。腸風。血痢。血泄。或吐血。鼻紅。一時暴發。不止。用此
燒灰存性。爲細末。白湯調服數錢。取其血得熱則行。得
黑灰則止之意。繆氏曰。凡失血過多。內無瘀滯者。以此
止澁。切當其用。所謂澁可去脫是也。與髮灰同入更良。
如血病瘀滯方動。或崩中惡露未盡。或濕熱下痢初起。
腸風帶下方熾。悉不宜遽用。卽用之亦無効也。

肥皂莢。味辛。氣溫。無毒。

李氏曰。肥皂莢。生大。山中。其樹高大。葉如檳。及五月六月。開白花。結莢長三四寸。狀如雲實之莢。而肥厚。冬肉內有核數顆。大如指頭。不圓正。其色黑如漆。而其堅。中有白仁。如栗。煨熟可食。其核亦可種。十月采莢。煮熟。搗爛。和白麵。及諸香。作丸。澡身。面。擦之。去垢膩。相感。忘云。肥皂莢。泡。水。能。死。金。魚。又。辟。馬。螳。此。物。性。然。耳。

○肥皂莢。宋人言能滑腸去垢。消積止痢之藥也。其形與

皂莢同類。而肉皮肥厚。故曰肥皂莢也。觀其澡浣身面。

擦去油膩穢垢。不潔之物。則知其滑而去滯。能消積止

痢之意明然矣。但質性滑利。而氣臭焦腐。聞之令人作

嘔。雖炒製得宜。終不免于損胃。如胃弱少食。不食之疾。

宜忌用之。

陳六奇先生曰。治人不得已。慮禍輕生。卒飲鹽滿。速宰

活羊。以熱血灌之。羊血下咽。滴盡收入血內。卽以肥皂
莢去核。并弦皮搗爛。以溫湯調灌。少頃卽吐。滴珠并隨
羊血盡出。不損腸胃。

○集方治下痢噤口。乾坤生用肥皂莢一枚。以鹽實其內。燒存性。

去鹽爲末。以少許入白米粥內。食之卽効。○治風虛牙

腫。或因腎虛。或因京藥擦牙。致腫并痛者。用獨核肥皂

莢。以青鹽實之。鹽泥封固。火燒存性。共鹽研末。輕擦齒

間。○治大人小兒頭耳諸瘡。并眉瘡癢癰。或嚙窩等瘡。

用肥皂莢一箇。去核。生明礬一錢。內入鹽泥固封。火煨

存性。共礬研末。香油調搽。○治辣梨頭瘡。用獨核肥皂

莢去核。填入沙糖。令滿。紮定。鹽泥封固。火燒存性。去泥

加輕粉樟腦各二錢研末先以灰湯洗頭拭乾以香油調藥搽之不過二三次愈○治便毒初起以肥皂焚去核搗成膏敷之即消○治玉莖濕癢用肥皂焚火燒存性研細末香油調搽○治綿花瘡毒不收用肥皂焚連核火燒存性爲末每服二錢侵晨白湯調服

無患子味苦辛氣平有小毒

李氏曰無患子生深山中樹極高大枝葉皆如椿特其葉對生爲異五六月開白花結實大如彈丸若川練子生青熟黃老則文皺實中核黑如肥皂焚之核正圓如珠殼中有仁如榛子仁亦辛甘可妙食十月采實去核煮熟搗和麥麴作滌垢藥澡洗身面同于肥皂焚也寇氏曰今釋子取核貫作念珠初用紫黑用久則光黑如漆也

漆也

肥皂焚

無患子

藥草木

三



○無患子莢即核外肉也搗爛滾湯調稠糊搽面黥雀斑搗汁

和白湯服治喉痺開咽竅

○無患子核燒之辟邪惡氣散瘟瘴逐飛尸俱出陳氏方中

欒華木味苦氣寒無毒葉主治同

別錄曰欒華生漢中川谷此樹葉似木槿而薄花細黃似槐而稍大結子似酸漿其殼中有仁如熟豌豆圓黑堅硬堪為數珠五六月作花可收以染黃色甚鮮明蘇氏曰今南方及汴浙園圃間或有植之其用為念珠沐

見入藥

○欒華花煎水李時珍可洗目熱赤爛或腫痛淚出



訶黎勒味苦酸。瀼氣溫無毒。味厚陰也。降也。

蘇氏曰訶黎勒出波斯國今嶺南廣州亦有之。樹開白色花作實如梔子橄欖狀色青黃皮與肉相連七八日熟具六稜肉厚者佳雷氏曰入藥勿用此藥者俱是雜路勒。圓而文露或十二三稜號餅精勒味瀼不堪用。修治用酒浸半日酒濕草紙包煨片刻入石臼內搗細肉核一總用。

○訶黎勒泄腸止痢之藥也。味本苦瀼苦能泄滯瀼能飲

脫。故唐本草主心腹冷氣咳嗽脹滿。此取苦以洩滯也。

蕭元亮止赤白下利。腸癖久泄。此取瀼以飲脫也。如甄

氏方用以止水道不禁。蘇氏方用以療腸風瀉血帶下。

白淫亦不外此收瀼固脫之意耳。但其氣性溫而不涼。

斂而不散。如泄瀉痢疾。因于濕熱。腸紅帶下。因于鬱火。

咳嗽。因于火逆衝上。小便不禁。因于腎熱頻數者。咸宜忌之。

○集方治心腹冷氣。氣逆脹滿。用訶黎勒三箇。陸氏無此方酒浸草紙

裏煨熟。肉與核共搗細。砂仁五錢。白芥子四錢。白豆

三錢。共研末。水發為丸。黍米大。每早晚各服二錢。燈心

湯下。○治咳嗽。氣虛散不止者。用訶黎勒三箇。製法同前北

五味子。川貝母各三錢。杏仁霜一錢。真阿膠五錢。蛤粉

拌炒成珠。共為細末。每早晚各服二錢。白湯調下。○治

赤白下痢久不止。用訶黎勒三箇。製法同前白芍藥五錢。醋

炒甘草炒。共為末。每早服三錢。白湯調下。○治腸澼久

泄血水。用訶黎勒五箇。製法同前白米蓮肉。白芍藥各五錢。

甘草三錢。俱用米醋拌炒。共爲末。每早食前服三錢。白

湯下。○治小水頻行不禁。用訶黎勒三箇。製法同前益智子

山茱萸肉。山藥。茯苓。各五錢。分作十劑。水煎服。○治

風瀉血。用訶黎勒十箇。製法同前白芷。防風。秦艽。各一兩。俱

微炒。研爲末。米糊丸。梧桐子大。每早晚各服三錢。白湯

下。○治白帶。醫林集要白淫。因虛寒者。用訶黎勒十箇。製法同前白米

黃耆。當歸。杜仲。蛇床子。北五味子。山茱萸肉。各二兩。俱

炒研爲末。煉蜜丸。梧桐子大。每早服三錢。白湯下。

云...
卷之...
訶黎勒



○治口瘡經久不愈。用訶黎勒五個製法同前配好冰片一分
 共研勻細。不時摻入。少許口含徐徐嚥下。○治老人氣
 虛不能收攝。小水頻行。緩放卽自遺下。或涕淚頻來。或
 口涎不收。用訶黎勒不用煨製。取肉時時乾嚼化徐徐
 含嚥諸證卽止

治氣虛泄瀉用訶黎勒方
 茯苓、山藥、砂仁、藿香、陳皮、乾薑、連肉、甘草各一錢。加生
 薑二片、黑棗二個。水煎服。○治大、小兒冷熱不調。下
 痢赤白。或如膿血。魚腦裏急後重。臍腹疼痛。或脫肛下
 墜。酒毒便紅。並皆治之。用訶黎勒煨去核。甘草、白芍藥
 枳殼、白朮、肉豆蔻、麝香、各一錢。肉桂八分。人參、當歸
 各一錢。二分。水香八分。水煎服。○藏熱者。加黃連一錢
 寒者。加便製附子一錢。

柳味苦氣寒無毒

李氏曰柳與楊一類二種也楊葉圓潤而青枝柳葉狹長而綠枝條長軟楊枝硬而楊起故謂板弱而垂流故謂之柳說文云楊從木易柳從木陽也引者酉也觀此則楊與柳各一種也明種蒲柳乃水楊也枝勁柳可為箭餘多生河北水旁葉粗微白木理微赤可為車輅今人取其細條通令柔屈作園椅桶籠即孟子所謂梧椅是也曾地及河朔尤多又曰楊與柳俱縱橫順到杆插皆生長大高數丈春初生柔黃即黃蘆花至春暮葉長成後花中結細黑子柔漫而絮如白絨因風飄飛着衣帛絨絮之類能生蛙蟲入池沼即化為浮萍陶朱公言種柳荒園中可足柴炭取其嫩葉可作茶飲其絮積多可擇造藥片為茵褥臥之柔軟養體昔趙通政以柳茵薦進閣太師閣上進世廟

○柳華主散風水清黃疸利小便

○柳絮解惡瘡排潰癰逐膿血

○柳葉解金石淨瘡疥化丹毒



○柳枝下熱痰止淋濁定齒痛四種治各少差以清涼解

○集方治風水面腫林氏方用柳華煎湯飲之○治熱鬱黃疸用

柳華煎湯飲之○治熱鬱小水不通用柳華煎湯飲之

○治一切熱毒惡瘡用柳絮和鉛粉以麻油調塗○治

灸瘡疼極用柳絮貼之凡一切瘡疼甚亦可定○治

切惡毒膿血脹痛不潰化用柳絮敷上膿泄毒滅○治

金瘡血出不止用柳絮封之即止○治金石毒發以柳

葉和黑豆煮豆煎湯飲之○治惡疥癩瘡并驃馬疥

以柳葉煎湯頻洗漸愈○治丹毒用柳葉煎湯乘熱搗

洗日五六次○治小便白濁以柳葉煎湯代茶飲之○

治遺爛生蛆以嫩柳葉鋪蒂上臥之蛆蟲盡出葉上○

治風火熱氣閉鬱成痰用柳枝煎湯飲之。○治用濁不清用柳枝一握甘草三錢煎湯飲之。○治用牙痛用柳枝一握蛇床子五分煎湯汨漱頓止。

檉柳味苦微鹹氣溫無毒浮而升陽也入足陽明手太陰少陰經。

馬氏曰檉柳又名西河柳南北所在俱有喜生沙地水旁寇氏曰汴京甚多收枝葉春月雨中插之便生李氏曰樹高丈餘幹小枝弱皮赤如絳枝葉如松至五月下垂如絲一日三起三下穗長三五寸一歲三次作花如蓼花微紅花氣如烟霧婀娜可愛。

○檉柳涼血分發痧瘡解痧毒之藥也古云痧瘡卽今之瘡疹也其毒起于肺胃之間發于皮毛之分外因風寒

觸冒之邪。內因風火血熱之鬱。相感爲病。宜苦涼輕散之劑。則出而解。此藥輕清升散。開發瘡毒。如瘡毒內閉。不出。或出之甚多。難于解退。或解退後熱發不止。或喘嗽不消。肌肉羸瘦。致成瘡疔瘡勞者。多有之。以此煎湯代茶。日飲。瘡疹諸疾漸自消滅矣。與桔梗甘草牛蒡子同用更善。如開寶方去驢馬血毒。入人肉。以此煮汁飲之。浸之者。蓋以驢馬性熱。馳後汗氣沾人。有毒。卽能爲病。亦以此解之。卽取輕揚涼散解熱毒發瘡疹之意。同義也。

修仲薄方

○集方治癰癤發不出。或雖發不透。用西河柳一握。石膏知母薄荷荆芥玄參牛蒡子竹葉連翹黃連各一錢。甘



草五分水煎服如熱甚毒熾舌生芒刺大渴謔謔癰

致病用西河

下

水楊枝葉味苦氣平無毒。

蘇氏曰。爾雅。檉。其枝勁。可爲箭。幹。左傳。所謂董澤之蒲。今河北沙地多生之。楊柳二種。其類亦多。崔氏云。白楊葉圓。青楊葉長。柳葉長而細。楊葉短而粗。水楊葉似青楊。粗葉亦可作矣。赤楊霜後則葉赤。然今人鮮能分別。又曰。水楊葉圓濶而尖。枝條短。硬。柳葉狹長。枝條長軟。楊與柳源各別也。

卷之四

○水楊枝葉止久痢赤白之積起痘瘡不發之漿之藥也

楊柳

不圓潤而尖枝
與柳原各別

條短

此藥生于涯涘之旁。得水土之陰氣偏多。如赤白久痢。

涯涘之旁。得水土之陰氣偏多。如赤白久痢。

得

水土之陰

氣偏多。如赤白久痢。

腸胃有濕熱也。得苦涼之氣則濕熱清散。刺自止矣。今人又用以治癰腫痘瘡。多効。按魏直心鑑云。痘瘡數日頂陷。漿滯不行。或氣滯血滯。或風寒外阻。腠理閉密者。宜用水楊枝葉五觔。流水一大釜。煎湯溫浴之。如冷添湯以軟帛拭乾。兒身良久。照見纍起。有暈絲者。漿行也。如不滿。再浴之。力弱而不堪浴者。只洗頭面手足亦可。但此藥浴之。令暖氣透達。和暢鬱蒸。氣血通徹。每隨暖氣而發。行漿貫頂。功非淺也。若內服補氣血藥。藉此升之。其効更速。如風寒外阻者。自開。血氣內鬱者。自通。誠有變理之妙也。如屢浴頂不起者。氣血頽敗。不必再浴。如始出卽癢塌者。亦不必浴。浴之無益也。

○根皮消乳癰。定金瘡苦痛之藥也。按永類鈴方云。人治乳癰。以水楊根皮。搗爛敷癰上。其熱如火。再敷遂平。又肘後方。用柳根皮。敷乳癰亦効。又千金方。治金瘡大痛。不可忍。用水楊木白皮。或根皮。切碎焙燥。爲末。白湯調服。方寸匕。日三次。兼敷之。

白楊味苦氣寒無毒。枝葉主治同

寇氏曰。白楊木肌似楊而微白。故曰白楊。處處有之。西北尤多。植墟墓間。其枝插土卽長。易于繁茂。木甚高大。葉圓如梨。而肥厚有尖。面色青而光。背色白。而邊有鋸齒。風微至。葉如大雨聲。木肌細白。性堅直。用爲梁拱。終不糾曲。嫩葉味甘可飲。荒老葉亦可作酒麴料。

○白楊木皮去風痺。消脚氣。活瘀血之藥也。唐本草治風毒脚氣。四肢緩弱不隨。并風毒遊易在皮膚中。左右上

下痛無定處。又陳氏方治撲損瘀血并折傷血瀝在骨
肉間痛不可忍。及手足皮膚風痛。遊走移易。每用六兩
以好酒浸七日。早晚隨量飲之。又獨味水煎。止孕婦赤
白痢疾。又醋煎漱牙痛。汨口瘡。此涼降清虛之物。如胃
寒者宜少餌之。

姜用 峯傳一

續補方治無病人。遍身風麻瘙癢。或結風塊。時癢時痛。
遊走不常。用白楊葉八兩。白朮四兩。黑棗四兩。浸酒飲
自退。

蕪荑味辛。氣平。無毒。

別錄曰。蕪荑生晉山川谷。陶氏曰。今出高麗及波斯諸夷馬氏又言出河東。河西及太原。今近地亦有。大者佳。其氣臭如狐狀。如榆莢而稍大。如小者。是榆莢也。蕪荑也。王氏言可作蠶。甚香美。此指榆莢而言。蕪荑氣極狃臭。安可作醬食乎。

○蕪荑殺三蟲。散五疳。治小兒百病之藥也。王嘉生書前古諸書主

諸積冷氣。腸胃蟲癖。食癥血痞。及皮膚骨節中風毒。諸疾。緣其氣臭。辛狃難聞。性專走逐。故諸滯成疾。食積蟲血。皆可蕩化。凡諸疳羸瘦。結氣發熱。疳勞疳脹。疳痢疳積。嗜食與不能食。咸宜服之。中病即止。如久服多服。不免有傷胃氣。司業者當自量之。

○集方巢氏方治諸積冷氣。用蕪荑一兩。炒。大茴香。木香。各五錢。

共爲末。紅麴打糊爲丸。梧桐子大。每早服三錢。白湯下。

○治腸胃有蟲癥。食癥血痞。因平時嗜食肥甘酒飲。仁齋直指方

致敗血留痰。結成蟲類。爲鼈瘕。其發作時。或上行咽胃。

下行臍腹。或附脇背。或隱胸次。大則如鼈。小則如錢。夜

作耕痛。痛必垂死。惟用蕪荑一兩。酒炒。當歸砂仁人參。

各一錢。水煎服。乃可殺滅。若徒事雷丸錫灰。史君子之

類。無益也。○治結陰下血。普濟方用臭蕪荑三兩。搗爛。紙壓去

油。甘草五錢炒。共爲末。以猪膽汁少許。調濕晒乾。大麥

麴打糊丸。梧桐子大。每早服三錢。白湯下。○治小兒蟲。杜氏方

積上攻。勢狀危惡。與癰相似。用臭蕪荑炒。乾漆燒存性。

各等分。爲末。每服五分。米湯調下。

榆味甘。氣寒。性滑利。無毒。入手足太陽。手陽明經。

別錄曰榆樹生潁川山谷。李氏曰今處處有之。種不能盡別。惟知英榆、白榆、刺榆、榑榆數者而已。白榆皆大榆也。有赤白二種。白者名枌。其木甚腐。生葉時枝條間先生榆莢。形狀似錢而小。色白成串。俗呼榆錢。後方生葉。似山茱萸葉而長。尖峭潤澤。嫩葉燥浸淘過和油醬食。可作蔬。故內則云。董苴枌榆。栗葉修瀝以滑之。三月采榆錢。亦可作羹。或淪過。曬乾。可為醬。或生收。曬乾。收貯。至冬可釀酒。又山榆之莢。名蕪莢。與此相近。但味稍苦。諸榆性皆弱。地故其地。下五穀者不植榆。今人采其白皮為榆莢。荒歲煮糊。可充饑。水調和香劑。極粘固。勝于膠漆。陶中人取榆皮濕搗如糊。用粘。毀破瓦石器。緣牢固有力。

○榆皮利竅脉。通二便。止五淋。消癰腫之藥也。十劑云。滑

可去着。冬葵子。榆白皮。是也。如二便秘結不通。小便淋

濁澁痛。或腫滿喘嗽。或如乳腫癰。或丹石留毒。或胎滯

難生。諸證。以此通利流滑下降之性。一切腸胃中火滯。



氣滯痰滯。諸有形之物。咸可奏功。別錄大氏兩書言之詳矣。若胃寒而虛弱者。非滲利滑降所宜。如前古謂服輕身不饑。多食能益胃者。恐非確論也。

○集方治大小二便不通。用榆白皮煮濃汁飲之。

淋澁痛。白濁白淫。用榆白皮陰乾焙研細末。每用以水

五合。煮如稠糊。日二服。○治一切癰腫諸毒發背。用榆

白皮切細。搗極爛。以香油調敷毒上。兩頭一日一換。即

消散。○治身體暴腫。用榆白皮搗末。同米作和食之。良

○治久嗽欲死。用厚榆白皮削如指大。長寸許。納喉中。

吸其味。頻用。當吐膿血而愈。或者煮膿汁飲亦可。○治丹

石毒發。用榆白皮和菉豆各半。煮水飲之。○治五色遊



風紅腫犯者多死以榆白皮爲末雞子白和塗之

陳氏本草胎孕月足不產用榆白皮焙爲細末臨月白湯調服

三次臨盆易產○治大人小兒身首生瘡有蟲者用榆

白皮爲末和白糖猪脂調塗帛上覆瘡上蟲出立愈○

治小兒禿瘡用榆白皮末和糖醋調塗蟲出自愈

櫟味苦氣寒無毒

蘇氏曰櫟榆類所在皆有。多生溪澗水旁。葉似樗而狹

長似柳非柳似槐非槐皮極粗厚木高有數仞連抱二

三人。湖南北甚多。然亦不材也。不堪爲器。其嫩皮取以

緣栲栳及箕籬篋筐口。又鄭樵通志云。櫟似榆其結實

亦如榆錢。鄉人采其葉焙乾作飲爲甜茶。

○櫟木解熱毒淨痢疾散水氣安胎妊腹痛之藥也緣此

木生發易大得春升清陽之氣其性寒平故別錄方治
時行頭痛熱結在腸胃隱居方夏月煎飲辟暑去熱大
氏方治風燄熱毒腫痛等證悉屬熱病宜此木煎飲之
如胃寒脾冷不食者勿用也



蘇方木味甘鹹氣平無毒可升可降陽中吟

兼入手少陰足陽明經

蘇氏曰蘇方木自南海崑崙來今交州愛州亦有之似青槐材似赤降中心有橫紋似紫角者名木中尊力倍嘗有効夏月作花黃色結子生青熟黑取木剉細搗爛水煎汁加白芨些須用染紅色名木紅如見鐵器則色黯不鮮見天雨水則色淡白不紅暹羅國人後棄如薪

○蘇方木活瘀血逐死血之藥也大氏方主婦人血氣阻

滯心腹攪痛或惡露不行上攻欲嘔或月水不調適來

適斷或血風內壅口噤不言凡產後血閉不通血脹血

暈悶絕欲死水煮五兩服之立安故唐本草著之詳矣

又跌撲內損瘀血痛脹或癰毒膿膿疼痛不止凡屬形

傷血敗之證故海上方必資其爲首務焉但人血分行



瘀逐滯。每稱捷藥。實爲血中損劑。善行而不能止者也。

如產後惡露已盡。諸痛由血虛者。不宜加用。

○集方治婦人血氣阻滯。

劉氏產寶

五則

心腹攪痛。惡露不行。

上攻欲嘔

用蘇方木五錢。搗細。當歸川芎白朮乾薑玄胡索五錢。

脂木香香附烏藥俱酒炒。桃仁研乳香沒藥各一錢。益

母草三錢。水煎服。○治婦人月水不調。適來適斷。寒熱

腹脹。惡心煩悶。用蘇方木五錢。搗細。柴胡牡丹皮續斷

半夏當歸川芎厚樸丹參黃芩白芷三稜陳皮香附澤

蘭俱酒炒。水煎服。○治血風口噤。不能言語。用蘇方木

五錢。搗細。防風玉竹各三錢。當歸川芎秦艽各一錢。五

分。水煎服。○治產後血暈血脹。用蘇方木二兩。搗細。水



五升煎取二升徐徐服○治產後氣喘面無欲死乃血
入肺也。用蘇方木二兩搗細。桃仁研。防風各一兩。人參
五錢。水三碗煎一碗徐徐服○治破傷風牙關緊閉身
體反張。用蘇方木爲極細末。每服三錢酒調服○治偏
墜疝氣腫痛。用蘇方木二兩搗細好酒一壺蒸減小半
頻頻飲○治金瘡指斷折及刀斧傷。用蘇方木爲極細
末敷之外用羊絨條包縛完固數日復舊。

烏桕木味苦氣溫有毒性沉而降陽中陰也入手足陽明
經。

蘇氏曰烏桕木生南方平澤今江西閩浙甚多樹高丈
許葉微杏但微薄而綠色淡五月開細花色黃
子八九月熟初青後黑采子蒸熟取油燒燭然
子去皮脂取油勝于仁也陳氏曰藥可煎汁藥
朽老則根下黑爛
成口故得此名

○烏桕木行水氣積聚通大小二便之藥也李氏

取根

白皮能利水通腸功勝太戟故唐本草主水氣停蓄氣
促喘脹遍身浮腫二便不通諸證勢甚危篤者以根皮
二三升水二碗煎半碗服之立通二便水氣行而喘腫
自消退矣倘不因水蓄氣聚而因脾虛不能制化水源
以致泛濫者當補脾實土為急蘇氏必用薯白木茯苓陳
氏齋砂扁豆華烏之類
此藥不可輕用如果元氣壯實亦須暫用一二劑病已

即止。



巴豆味辛。欬氣熱。有大毒。味薄。氣厚。降也。陽中陰也。入于足陽明經。

別錄曰。巴豆。生巴郡川谷。蘇氏曰。今嘉州。眉州。戎州。皆有之。木高一二丈。葉如櫻桃而厚大。初生青色。後漸乾黃。季冬漸凋。仲春即發。仲夏舊葉落盡。新葉復生。即開花。成穗。色微黃。五六月結實。作房。七八月成熟。漸漸自落。外殼如白荳蔻。一房二瓣。一瓣一寸。或三寸。子如海松子。子亦有殼。獨戎州出者。殼上有縱紋。隱起如線。或一道。二道。三道。不等。土人呼爲金線巴豆。最稱上品。他處罕有。八月采。去內外殼。取仁。酒煮一次。研膏用。有去殼取肉。生研如膏。以紙包壓去油者。謂之巴豆霜。中其毒者。以冷水黃連大豆汁解之。

○巴豆。推蕩藏府。開通閉塞之藥也。左氏曰。此劑味甚辛。

欬氣甚熱。性甚剛猛。攻關拔固。功過牽黃。摧滯逐實。力浮硝戟。追逐一切有形。留着久頑不遜之疾。如留飲痰癖。死血敗膿。蠱毒飛尸。鬼症。休息結痢。寒痰哮喘。及




一切生冷魚麵油膩水果積聚蟲積或水腫大腹寒疝
死胎痞結癥瘕諸證下咽卽行苟非氣壯力強
可輕用張氏曰如不審而妄用耗却天真使人津液枯
竭胸熱口燥留毒不去他病轉生則巴豆之爲害昭昭
矣然而更有未盡者此藥稟火烈之氣沾人肌肉無不
灼爛試以少許輕擦完好之膚須臾卽發一泡必至腫
爛或瘡况腸胃柔脆之質下咽則徐徐而走且無論下
後耗損天真而府藏被其熏灼能免無潰爛之患耶凡
一槩湯散丸劑切勿輕投卽有萬不得已之急證欲借
其辛烈攻衝開通道路之力必須煮熟壓令油淨入釐
許卽止不得多用如前古有云巴豆煉熟食之能益血



脉悅顏色通神仙此無根怪談不可信從明理之士當自審之。

李蘋湖先生曰巴豆峻用則有戡亂切病之功微用亦有撫綏調中之妙。譬之蕭曹絳灌乃勇猛武夫而用之爲相亦能輔治太平。王海藏言其可以通腸可以止瀉。此發千古之祕也。一老婦年六十餘病溏泄已五年。肉食油物生冷犯之卽作痛。服調脾升提止瀉諸藥入腹則泄反甚。延余診之脉沉而滑此乃脾胃久傷冷積凝滯所致。王太僕所謂大寒凝內久利溏泄愈而復發綿歷歲年者。法當以熱下之則寒去利止。遂用蠟置巴豆丸藥五十丸與服。二日大便不通亦不利其泄遂愈。自



版權所有

是每用治泄痢積滯諸病皆不瀉而病瘳者近百人妙
在配合得宜藥病相對耳苟用所不當用則犯輕用積
陰之戒矣

○集方治留飲痰癖并一切積滯用巴豆肉十粒紙裏打

去油蛤粉一兩黃藥子炒二兩共爲細末水發丸菴豆

大每用溫湯下五丸○治腸癰內疽死血敗膿脹悶不

出者用巴豆肉三粒製法如前穿山甲五錢燒焦米糊丸如

菴豆大每服三五丸酒下見下膿血卽止○治癰疽潰

後腐肉不落用巴豆肉搗膏敷上卽落○治一切蟲毒

用巴豆肉半粒不去油研爛用麻油半盞調服再隨飲

菴豆湯二碗俟吐瀉數行轉卽出旋飲冷菴豆湯止之

○治休息結痢愈而頻發用巴豆肉五錢製法研末用

熟豬肝為丸如棗豆大空心白湯下三四五六丸量人

虛實多少為數不過三服淨止○治寒痰氣喘用橘皮

一大片裹巴豆肉一粒線紮緊火內燒存性研末濃薑

湯調服○治一切生冷魚麵油膩水菓諸物傷脾成積

用巴豆肉十粒製法紅麴一兩草菓仁五錢共為末米

湯和丸如黍米大每早服十丸白湯下小兒減半○治

蟲積肚脹好食生米壁土桴炭等物用巴豆肉十粒製法

前三稜莪朮檳榔白朮各五錢俱炒過共為末砂糖為

丸如黍米大每服五丸白湯吞下弱者三丸○治水腫

腹大動搖水聲皮膚黑色用巴豆肉十粒製法杏仁二

大學圖書館藏

十粒去皮紙裏打去油和勻紅麴一錢打稀糊爲丸如黃豆大每早空心未食時服一九以利爲度忌鹽味糖味百日此方并治飛尸鬼疰中惡心痛腹脹太呿不通用藥二九敲碎白湯泡化服當下而愈量大小老人強弱增減用之○治寒疝用巴豆肉一分海上方研細吳茱萸川練子各一錢甘草五分水煎溫和服○治死胎不下危在頃刻用巴豆肉半粒製法如前研細滾水調服○治痞結癥瘕用巴豆肉五粒製法如前紅麴三兩炒小麥麩皮一兩炒俱研爲細末總和爲丸如黍米大每空心服十九白湯下。

續集方韋氏尋効方治夏月水瀉不止用巴豆一粒針煨燒存性黃

蠟溶化爲丸。白湯吞下。○治乾霍亂。心膈脹痛。不

瀉。欲死。用巴豆肉一枚。研爛。溫湯調服。得吐利。卽愈。

○治小兒痰喘。用巴豆肉一粒。紙包。打去油。綿裹。

男左女右。痰卽下。○治荷錢癰瘡。用巴豆肉三粒。研

以生絹包擦。日一二次。如神。○治急喉痺。用生礬爲

五錢。巴豆肉三粒。同熬滾。去巴豆肉。單用枯礬。研細。

入喉中。流出熱毒涎。喉卽寬。○治喉痺垂死。止有餘

者。用巴豆線穿。內入喉中。卽牽出。卽甦。○治一切膿

癰瘡。用巴豆肉五十粒。麻油煎黑。去豆。以油調硫黃。極

粉末。頻搽。卽効。

治中風痰厥昏迷卒倒不省人事欲絕者用巴豆去殼
紙包槌油去豆不用用紙燃作條送入鼻內或拌牙
末尤良或用前紙條燒烟薰入鼻內亦可



大楓子味辛甘氣熱有毒

李氏曰大楓子出海南諸采山國按真臘記云大楓子樹之子狀如椰子而圓其山一有子數十枚大如椰子中有仁白色久則黃而油不堪入藥修治取大楓子油法用大楓子三觔去殼除黃色油透者不用研極爛盛之封口入滾湯中文火蒸至一日色黑如膏名大楓油可塗風癩疥癬諸瘡疾

○大楓子肉搗膏擦風癩疥癬諸瘡之藥也此物質潤性

燥蘊湖方治瘡疥僅供外塗能潤皮膚殺蟲止癢不堪

服食粗工迷庸人語每治大風癩疾與苦參同用作丸

服殊不察此性燥熱劣有損液閉痰之虞而傷血分至

有風癩未愈而先失明者用之外塗其功不可沒也

○集方治疥癬瘙癢有蟲用大楓子去殼取肉四十枚搗

膏大黃炒蛇床子炒樟腦硫黃各五錢共研極細末和



入大楓子肉內。水銀五錢。研入。以不見星點爲度。如乾燥。再加入猪油數錢。共研爲丸。先用熱湯洗淨瘡。後用此藥搽之。○治大風瘡裂。用大楓子。燒存性。和麻油。輕粉。研勻敷之。此方亦治楊梅惡瘡。○治風刺鼻赤。用大楓子肉十箇。木鼈子肉五箇。輕粉。硫黃。各一錢五分。共爲末。夜夜唾調塗之。

梓味苦氣寒無毒

葉主治同

蘇氏曰按坪雅云梓爲百木長故呼梓爲大木蓋木類莫良于梓故書以梓材名篇禮以梓人名匠朝庭以梓宮名棺也李氏曰梓有三種常用朴素不腐者今處處皆有之官寺人家園亭亦多植之木似桐而葉小花紫雖有三種之分實非一類也木理白者爲梓赤者爲楓梓之美文者爲椅楓之小者爲榎

○梓白皮去熱毒殺三蟲之藥也大氏方治小兒一切瘡

疥癢癢取此煎湯洗之嶺湖方治溫熱時氣頭痛壯熱取此煮湯飲之又別錄方搗梓樹葉和猪食中飼養肥大三倍且無瘟死之虞

楸味苦氣寒無毒葉主治同

李氏曰楸葉大而早落故謂之楸榎葉小而早秀故謂之榎唐詩立秋日京師人取楸葉剪花戴之取秋意也又曰楸有行列莖幹直聳可愛至秋垂條如線其木濕時脆燥則堅宜作棋盤卽梓之赤者也



○秋白皮殺諸蟲。解諸毒瘡之藥也。陳氏方煎膏塗敷。

切惡毒諸瘡及腫疽癰疔瘡痔瘡能除膿血生肌肉。

○李薊湖曰秋乃外科要藥而時人少知按古醫薊常之

云有人患發背潰壞腸胃可窺百方不瘥一醫用大

未升時采秋樹葉數十觔熬膏敷其外內以雲母膏

小丸服盡四兩不累日而愈也東晉范氏方亦稱秋

治瘡腫有板毒排膿止痛生肌之力

集方治一切瘡腫不問硬軟取秋葉十重敷腫上用薄

帛裹之日三易冬月取乾葉鹽水浸軟貼之或取根皮

搗爛敷之皆效○治癰癰癰瘡秋分前後摘椒葉十五

觔以水一石淨釜中煎取三斗又換鍋煎取七八升又

換鍋煎取二升乃納不津器中用時塗瘡上以軟帛裹

之。日一換更上新藥。不過五六上已破者即便生肌未

破者即內消瘡○治瘡瘡不瘥痒痛不止用椒葉頭及

根皮為末敷之○治小兒禿瘡用秋葉搗汁塗之

青桐味甘微苦氣寒無毒

葉主治同

李氏曰桐有青白二種與罌子桐梧桐各別罌子桐子能作油有毒青桐白桐同一種無毒梧桐子可作果食亦無毒三桐各自一種實非同類又一說云白桐即白桐也葉大徑尺最易生長皮色粗白其木輕虛不生蟲可作器物屋柱二月開花如牽牛花而白色結實如巨棗長寸餘殼內有子輕虛如榆葉葵實之狀老則殼裂隨風飄揚青桐即梧桐之無實者又按陳翥桐譜分別白桐岡桐甚明白花桐文理細而體性慢喜生朝陽之地因子而出者一年可起二三尺由根而出者可四五尺其葉圓大而尖長有角光滑而柔先花後葉花白色心微紅其實大二三寸內爲兩房房內有肉肉上有薄片即其子也又紫花桐文理細而體性堅亦生朝陽之地不如白桐易長其葉三角而圓大如白桐色青多毛而不光且硬微赤亦先花後葉花色紫其實亦如白桐而稍尖狀如訶子房中肉黃色二桐皮色皆一但花葉小異體性堅慢不同爾亦有冬月復花者○寇氏曰桐類有數種農皇經不定指是何桐是難執用但數桐各有治瘡應病不同耳

○青桐木皮化五痔淨五淋療奔豚散脚氣殺三蟲之藥



也。治此數證並宜煮汁飲之。

出別錄甄氏肘後三方書中

又醫林

宗云治癰疽發背大如盤腐臭不可近者用青桐葉醋浸半日蒸貼之退熱出膿定痛生肉此極驗秘方也。其青桐之性清虛芳潔散濁澄清故淋痔奔豚脚氣蟲之疾咸得奏其用焉。

梧桐味苦氣溫無毒

李氏曰梧桐處處有之。樹似桐而皮青不皺其木無節直生。理細而性繁葉似桐而稍小光滑有尖四只開如黃小花如棗花枝頭出絲結莢長二三寸五片合成老則裂開如箕謂之橐鄂其子綴于橐鄂上多者五六少則二二三形如胡椒其皮皺又爾雅翼云梧桐多陰青皮白骨似青桐而多子其木易生晚春生葉早秋即凋古稱鳳凰非梧桐不棲豈亦食其實乎詩云梧桐生矣于彼朝陽又齊民要術云梧桐生山石間作爲樂器更鳴也。

也。

○梧桐子搗汁。拔去白髮根。塗之必生黑者。久煎

治小兒口瘡。李蘋湖方

○梧桐葉晒乾爲末。蜜調敷發背諸毒。能煞其勢。

○梧桐木青皮浸水。抵婦人髮鬢黑潤不燥不蓬而光。

氏方

罌子桐味甘微辛有毒。

卽油桐也因其實狀如罌故名。

陳氏曰罌子桐生江南北大山中兩浙尤多樹如梧桐早春開淡紅色花狀如鼓子花成筒子子打造油卽桐油也李氏曰岡桐卽白桐之紫花者油桐枝幹花葉酷類岡桐而樹長稍小但其實大而圓每一實中有二子或四子如大楓子其肉白色味甘食之能發吐吐不止飲熱酒卽解也人多種之收子打油及造船諸器皿中用爲時所須人多僞之試以竹篾作圈蘸起如鼓面者爲真。

○桐子油吐風痰解喉痺去蟲瘡摩疥癬之藥也。大氏方



治風痰壅塞喉脹不通以油半和水用鵝羽蘸掃喉中
探吐或以水研末吹入喉中取吐亦可但中病即止
可多用頻用如多用損耗中氣痰涎轉多為病變重者
有之。

○集方治腿足風瘡如癩有蟲者用桐子油和人乳各等

分掃數次即愈○治酒皸赤鼻用桐子油調黃丹雄黃

末敷之○治女人血風廉瘡潰爛如掌大用桐子油調

真鉛粉作隔紙膏貼之○治誤食砒石即刻用桐油半

升灌之得吐毒即解。

本草彙言

十

本草彙言卷之十目錄

水部 藥水類

桑椹白皮 藥水類

枳實 枳殼

酸棗仁 雞核

郁李仁 女貞實

南天胡 五加皮

杜刺實 刺蘼

檉實 藥水類

黃楊木 危子

山茱萸 金櫻子

凍青子 狗骨刺

枸杞子 地骨皮

蔓刺實 葉金木皮



本草

卷之八

金匱要略

卷之八

有之。

○集方治

脚足風瘡

如賴有蟲者用桐子油和人乳

分搗數次即愈。

○治

酒皸赤鼻

用桐子油調黃丹雄黃

末敷之。

○治

久入血風腫瘡潰爛如掌大用桐子油調

真龍松作隔紙將貼之。

○治

誤食砒石

即刻用桐油半

升灌之得吐毒即解。



本草彙言卷之十目錄

木部 灌木類

桑根白皮

葉 柴灰 白皮

枳實

枳殼

酸棗仁

蕤核

郁李仁

根

女貞實

南天燭

葉

五加皮

牡荊實

葉

荊瀝

木槿花

木芙蓉

山茶花

柞木

楮實

葉 樹白皮 皮 中白汁

黃楊木

卮子

山茱萸

金櫻子

花 葉

凍青子

枸骨刺

枸杞子

地骨皮

蔓荊實

紫金木皮

蠟梅

密蒙花

山藥

米

木

木

木

木

木

木

木

木

木

木

木

木

木

木

木

本草綱目卷之十目錄



山
梔



酸
棗



枳
殼




黃
楊
木



冊

南京中醫藥大學
圖書館藏
所有

本草綱目卷之十一



木芙蓉

青刺

子枸杞

皮骨地

桃梅

紫荆

宝牡荆

木槿花

花蜜蒙





山茶花



柞木



本草彙言卷之十

錢塘

倪朱謨純字甫選集

男倪洙龍沖之

沈公岐則施甫校正

木部

灌木類

桑根白皮味甘氣寒無毒升少降多陽中陰也入手太陰

王氏曰桑類繁多不可枚舉所在南北皆有花堪枝皮功無差等葉頻摘頻發枝頻剪頻生雖去枝純幹餘尤生枝葉充蠶食材多適用全體專精灌木易生之上品也蘇氏曰方書稱桑之功用最神爾雅云又有柘桑女桑槎桑壓桑山桑郭璞云半有堪半無堪口柘餘小條長曰女葉細岐銳皮理粗戾曰槎壓桑絲中琴瑟山桑材中弓弩皆材之美者也他木鮮及之矣李氏曰桑有數種壓條而分者棋少葉繁白桑葉大而厚山桑葉尖而長羅桑葉花而薄子桑先樞後葉嶺外有望海桑高數丈枝幹茂盛亭亭如車蓋桑生黃衣其本必將枯死種樹書云桑樹樵按則本大葉厚桑根下埋龜甲易茂盛而不蛀典術口箕星之精散而爲桑洪氏曰箕水星



南京中醫藥大學圖書館版權所有

也。龜神在坎。故桑以龜爲食焉。東坡曰。琴絃舊而聲開。桑葉指之。發聲如新。本草云。桑根見地上者。曰馬頭。有毒。能殺人。旁行出土者。曰伏蛇。亦有毒。但反能治心。痛。修治。采嫩根。刮去青黃薄皮。一重。取裏白皮切。厚。皮中。有涎。切勿去之。○桑上。寄主。形狀。見寓木類。

○桑根白皮。平肺氣。消痰嗽之藥也。甄氏方主泄肺氣。

喘逆。或肺火燔灼。痰嗽有紅。或肺傷風熱。暴嗽聲啞。或水飲停肺。脹滿氣急。是皆肺氣不清。爲痰爲火。爲停水之證。惟桑根白皮。可以治之。又錢氏瀉白散。與甘草。地骨皮。同用。能瀉肺火。從小便中出。此瀉肺諸方之準繩也。如前古有云。治崩中絕脈者何也。緣桑之苗。葉。枝。幹。皮。根。紋理一縷。如人身之經脈聯絡。分析有條。若營血統絡于心。故崩中絕脈。營血妄行之證。用桑根白皮可。

以止之也。蓋桑之一物，如盡其材而論之，公用凡有八

焉。桑蟲。

味甘

攻痘毒甚効。

以酒漿調服之

桑葉。

味甘微苦

明目疾尤奇。

煎湯早晚先日

桑耳。

味苦

破癥堅結聚。

為末酒調服一錢

桑椹。

味甘

染鬚髮。

轉黑。

酒乾浸之

桑枝。

味苦辛

去風氣攣痛。

切細浸酒飲之

桑汁。

味甘

哦口舌瘡。

以絹蘸塗口內

桑為流通氣血之藥，所以桑上寄生

味苦

又能利筋脉，調血氣，治風寒濕痺。

浸酒飲之

之聖劑也。再

按桑根白皮瀉肺降氣，清火下痰，是其專職。如肺虛無

火，因風寒襲之而發咳嗽者，勿服。

○集方

東垣

治肺氣盛滿喘脹咳嗽痰中有紅，用桑根白皮二

錢，天麥二冬，款冬花，百部，沙參，川貝母各一錢五分，甘

草七分，枇杷葉五片，刷去毛淨，水煎服。○治肺熱傷風



暴嗽聲啞用桑根白皮三錢前胡防風薄荷葛根各一

錢五分桔梗一錢甘草七分水煎服○馬氏方治水飲停胸膈

滿喘急用桑根白皮二錢麻黃桂枝各一錢五分杏仁

十四粒去皮細辛乾薑各一錢五分水煎服○治水腫

用桑根白皮白芍藥薏苡仁木瓜茯苓各一錢陳皮一

錢赤小豆三錢水煎服○肘後方治產後下血不止如非關產

後凡屬血露不淨俱可服用桑根白皮四兩蜜水炒每

日用一兩水煎飲之○廣利方治金刀傷瘡用桑根白皮日用

一兩水煎服外用馬糞和桑白皮各等分燒灰敷瘡上

日一易○經方治墜馬拘損筋骨用桑根白皮五觔爲末煎

膏敷之日一換藥完卽愈亦無宿血○蘇氏方治刀刀傷

出用桑根白皮作線縫腹皮更以熱雞血塗之

兒口流涎不止此係胸膈有熱痰故也用新鮮桑根白

皮搗自然汁日逐飲之并塗兩口角甚效

○桑葉去風濕利水氣朱丹溪和血脈之藥也蘇氏方煎汁服能

除脚氣散水腫通大小腸之逆氣大氏方治一切風濕

頑麻自汗并撲損瘀血作痛又宜浸酒飲之普濟方治

老幼久患眼目昏澁不明以桑葉經霜者煎湯早晚洗

目并治暴赤風眼赤澁多淚如一切目疾惟久洗愈妙

通玄方治穿掌腫毒以新鮮桑葉搗爛罨敷即愈又孟

氏方取乾桑葉水洗淨晒乾搓碎微炒泡湯作茶飲止

煩渴通暢一身逆氣蓋至賤之物而應病甚奇故併錄



南京中医药大学图书馆藏

○桑柴灰味辛有毒行水止血之藥也。

○集方治身面水腫坐臥不得取桑柴燒灰淋汁煮赤

豆每饑時卽食一二合食時不得飲湯水○治金瘡出

血不止以桑柴灰篩細敷之止血生肌○治破傷風腫

入腹卽殺人以桑柴灰淋汁頓熱浸之冷再易

柘根白皮味甘氣溫無毒

李氏曰柘木處處山中有之喜叢生幹疎而直葉厚圓而有尖亦可飼蠶取絲作琴瑟清響勝常爾雅所謂棘繭卽此蠶也又弓人取材以柘爲上品其結實狀如桑子而稍圓韃如椒其木煎汁染黃謂之柘黃天子所服一說柘木以米醋調礦灰塗之一宿卽作間道花鳥文物性相伏如此

○柘根白皮養胃固精止血結崩中去鬼交精洩之藥也

枳實味甘氣寒無毒氣薄味厚陰也降也入走大陰經

別錄曰枳生少室山中湖廣榮陽獨多今南北亦
有詩云爰有樹檀其下維穀是爾陸氏曰皮葉用之
博醫方但貴枳實餘亦稀用李氏曰枳與穀乃一種
有雌雄之分雄者皮有斑文葉無叉極三月開花成穗
若柳絮狀遂謝而不結實雌者皮無斑文葉有叉極四
月開花成穗若楊梅狀五月色青綠六七月漸深紅乃
熟也水操去子蜜煎充果食甚精葉苗花葉並堪作茹
皮膜爲冠造紙練布然臨成有用也修治水浸三日旋
攪旋換水浮者卽揀去
之漉出晒乾焙燥用

○枳實健脾養腎補虛勞明目疾之藥也陳氏本草主陽

亢陰痿水涸目矇及脾熱水腫腰膝痿弱筋骨乏力諸
證按古方入滋陰藥中用之甚廣但性雖平補而氣稍
清寒如脾胃虛冷者宜少用之

陳廷采先生曰按枳又名穀桑荆楊交廣咸謂之構一

說葉有瓣曰楮。葉無瓣曰構。又一說皮斑曰楮皮。白曰
構。名雖有二。取用則同也。又相感志云。木中白汁如乳。
名楮漿。可以丸丹砂。又楮膠可作金石之漆。又秋月剝
取其皮。可織爲布。可搗爲紙。則楮之專精在皮與漿矣。
所入醫方。惟用其實。赤者頻服。不老不饑。行同奔馬。載
在本草。確有功效。奈時人于滋補藥中。用之稀鮮。惜哉。
○集方治脾腎肝三藏陰虛吐血。欬血。骨蒸夜汗。口苦煩
渴。夢中遺精。或大便虛燥。小便淋瀝。或眼目昏花。風淚
不止等證。不拘老幼。咸宜服之。用楮實赤者一斗。取黑
豆一斗。煮汁去豆。取汁浸楮實子一日。晒乾再浸再晒。
以豆汁滲盡爲度。再晒燥。配枸杞子三升。炒微焦。研

爲細末。每早用白湯調服五錢。功效不可盡述。

活法機要

氣蠱服。用楮實子五升。水一斗。熬成膏。用茯苓三兩。白

丁香一兩五錢。俱微炒。研爲細末。楮膏和丸。梧子大。每

空心用三錢。晚用二錢。俱白湯吞下。

○楮葉

味甘氣涼無毒

涼血祛風利水之藥也。

○集方

治鼻衄

暴流數升不止。用楮葉搗汁二升。徐徐飲

之。

治虛肥水腫

氣上促者。用楮葉煮白米粥食。勿絕

白愈。

思鹽味百日

○治蝮蛇螫傷。用楮葉搗取汁漬之。

○治老幼瘡痢。

日夜百餘度

用乾楮葉三兩。微炒。研爲

細末。

每服二錢

白湯調下。○治一切眼翳。三月收嫩楮

葉。晒乾。爲細末。每以黍米大。注眥內。其翳自落。

○楮樹白皮

味甘澁氣平無毒

順氣利水涼血止血之藥也。甄氏

方治

水腫氣滿小水不通因甘平能利水道也。李氏方

治下血血崩因甘瀉能歛氣以利營也。但性多燥而少

潤如內熱血燥之證宜少與之。

○楮樹皮中白汁

味甘氣平無毒

利水消腫之藥也。外臺秘要治

天行時疫病後脹滿兩脇刺脹臍下如水腫以楮樹汁

隨取隨意服之。水便清利腫即消矣。其性最粘。古人用

褚法帖經書扇畫以此汁和飛麵白湯調作糊裱褚永

不脫解。過于膠漆。又和丹砂塊成團不散。故綱目稱為

五金膠漆。



枳實味苦酸。氣寒。無毒。氣味俱厚。沉也。陰也。

陰經。

別錄曰：枳生河內川谷及洛西江湖州郡。馬氏以
產者更佳。寇氏言舊說橘踰淮而枳，故江北有枳，南有橘。
江南雖有枳，不及江北者，氣足力厚也。蘇氏言樹如橘
而大，葉如橙而有刺，春開白花，至夏結果，至秋成實，六
七月采者，名枳實，小則其性醜而速也。九十月采者，名
枳殼。大則其性詳而緩也。今醫家以皮厚而緊小者為
枳實，以皮鬆而寬大者為枳殼，俱切開以翻肚如盆口
者為勝。又陳久者愈妙，近道所出一種臭橘，酷似枳不
堪用。修治用小麥麩拌炒，至麥麩黑色，去麩用。

○枳實破結實，下食積，消脹滿之藥也。蘇州如別錄方主

除胸脇痰癖，痞滿，腹胃停水，停食等疾。此疾原由脾胃

二經氣滯，不能運化精微所致。此藥雖經成果，瓢核未

分，混然結實，性堅而速，其氣味苦泄，有破散衝走之力。



故丹溪氏言有推牆破壁之功。所以仲景下傷寒腹脹實結不通者。有承氣湯。胸中痞滿者。有陷胸湯。潔古療心下痞滿者。有枳朮丸。使壅滯既去。則胃氣自安。而諸證自止矣。如前古謂主大風在皮膚中。如麻豆若癢。又云益氣輕身。此屬幻語。非世俗時學所知。姑刪之以俟後賢詳用可也。但性專消導。瀉痰下食。其爲健悍之物可知。凡中氣虛弱。勞倦傷脾。發爲痞滿者。脾胃氣虛。不能運化。以致傷食停積者。俱宜補中益氣湯。補其不足。少加枳實十分之一。則痞滿自除。停食自行矣。如傷寒脹滿。非實邪結下中下二焦。手不可按。七八日不更衣者。必不可用。如傷寒挾熱下痢。非燥糞結。凡者。亦不可

用如元氣壯實有積滯者不得已用一二劑病已即去之。即潔古所製枳朮丸亦爲脾胃有積滯者設也。積滯去則脾胃自健故謂之益脾胃之藥非消導之外復有補益之功也。用者當詳審之。

○集方治食積結脹劉草生醫案用枳實白朮厚樸各等分俱用小麥麩炒川黃連減半酒炒共爲細末紅麴錢氏本作糊丸菴豆大每早晚各服三錢白湯下。小兒減半。○治胸脇痰癖痞脹用枳實四兩南星海石白芥子蘿蔔子紫蘇子白朮茯苓各一兩俱微炒共爲末紅麴作糊丸菴豆大每早晚各服三錢白湯下。○治腹代新補氏胃停水用枳實蒼朮厚樸各一兩猪苓澤瀉茯苓各五錢肉桂木香各三錢共爲

末每早晚各服二錢。白湯調服。○治腹_{氏手集}胃停食不消。用

枳實三兩。白朮二兩。俱用小麥麴炒。厚樸。白朮。各一

兩。川黃連。紅麴。炒。各三錢。共爲末。水發爲丸。如棗豆大。

每早晚各服三錢。白湯下。○治堅積_{痰飲不消}。用枳實。

三稜。蓬朮。青皮。檳榔。白朮。各一兩。俱酒洗。微炒。研爲末。

每晚食後服。三錢。酒送下。然須能食。脾胃健者宜之。○

治傷寒_{仲景}熱邪傳裏。發熱。汗出不惡寒。腹滿而喘。大便不

通。宜大小承氣湯。大承氣。用枳實一兩。厚樸五錢。大黃

芒硝各八錢。水四大碗。煎一碗半服。小承氣。用枳實八

錢。厚樸四錢。大黃五錢。水三碗。煎一碗服。病急者。用大

小承氣。量病緩急。臨證當消息用之。

穀味苦酸氣寒無毒氣厚味薄沉也陰也入手太

陽明手陽明經

經氏曰氣味主治與枳實六畧相同但枳實形小全其性烈故善下達如少年猛悍之將勇往直前而無回顧者也枳殼形大其氣散其注緩故其行稍遲是以能入胸膈脾胃之分及入大腸也

枳殼行滯氣開胸結之藥也凡病中膈不清遂道痞塞

痰涎壅盛氣食留中至若癥癖有形之物痰飲有形之

氣用二陳以清之可也然無枳殼則不獲效六鬱氣血

結而不散五氣風寒暑濕燥脹而不行用二陳以理之可

也然無枳殼則不能通大抵枳殼之性專于平氣氣平

則痰喘止氣平則痞脹消氣平則刺痛安氣平則後重

除所以戴氏方謂枳殼能定痰喘消脹滿止脇肋刺痛

除下痢後重急迫。正此意也。以上諸證。凡屬形盛有餘。氣火風痰。食飲爲病者。宜之。如關脾胃氣虛。中氣不運。而爲痰。爲喘。爲痞脹者。勿用也。如肝腎陰虧。血損營虛。脇肋隱痛者。勿用也。下痢日久。中氣虛陷。愈下愈墜。愈後重急迫者。勿用也。故前人有言。多服枳殼。有損胸中清純之氣。可不慎歟。

繆仲醇先生曰。一槩胎前產後。枳殼咸不宜服。今世多用。以治婦人。胎氣不安。或至八九月。爲易產之劑。動輒資用。殊不知婦人懷孕。全賴氣血以養胎。氣血充足。則胎自易產。且妊婦至八九月。精神困倦。四肢軟弱。飲食減少。動息喘促。何莫非虛弱之證。而更用此耗散之藥。

耶。內經所謂損不足而虛其虛。豈不大謬哉。古方有瘦胎飲者。爲湖陽公主而設。以彼奉養太過。其氣必實。故用此以耗其有餘之氣。使胎易產。今人不知古人立方之意。一槩濫施。誤甚誤甚。

○集方

王氏潤治氣滯食飲痰火停結

用枳殼一兩厚樸八錢俱

用小麥麩皮拌炒

去麩

每用枳殼二錢厚樸一錢六分

水煎服

○治痰喘氣火上逆不降者

用枳殼蘇子桔梗

杏仁各一錢五分茯苓一錢木香五分水煎服

○治中

膈痞脹不寬用枳殼厚樸白木各一兩俱用小麥麩皮

拌炒砂仁木香白豆仁茯苓各五錢共爲末水發丸如

菉豆大每早服三錢白湯下

○治胸脇刺痛用枳殼一

兩小麥麩皮拌炒。肉桂七錢。真蘆薈三錢。俱研極細末。
水發丸。菉豆大。每早服三錢。晚服二錢。淡鹽湯下。○治
下痢後重。追急。用枳殼九錢。白芍藥六錢。川黃連三錢。
乾葛滑石。檳榔各四錢。升麻甘草各一錢五分。分作四
劑。水煎服。○治老幼腹脹。氣血凝滯。以此寬腸順氣。用
商州枳殼去穰四兩。分作四分。一分用蒼朮一兩同炒。一
分用蘿蔔子一兩同炒。一分用乾漆一兩同炒。一分
用大茴香一兩同炒。仍去四味。只取枳殼爲末。再以四
味煎汁。打紅麴糊爲丸。如梧桐子大。每食後服百餘丸。
白湯下。○治^{直精方}脚氣腫脹。用枳殼三錢。木瓜牛膝各二錢。
水煎食前服。○治^{根氏方}氣虛人大便秘時不快。用枳殼二錢。

人參麥門冬各一錢水煎服○治小兒軟癰用大枳殼一箇去穢磨口平以麵糊糊邊合癰上膿血自出盡更無痕也。

人參敗毒散加減方

續補集方治傷寒頭痛壯熱惡風及風痰咳嗽鼻塞聲重并四時瘟疫熱毒頭面腫痛痢疾發熱諸般瘡毒用枳殼桔梗羌活川芎前胡柴胡荆芥薄荷各二錢甘草八分生薑三片煎服虛者可加人參一錢○治痢疾不問赤白肚痛裏急後重渾身發熱口乾發渴用此通利即止。兼治傷寒傳裏大便結實口燥咽乾潮熱自汗怕熱揭衣露語陽厥等證用枳殼柴胡黃芩大黃白芍芒硝各一錢二分甘草八分水煎服。

本草綱目卷一
黃楊木味苦氣平無毒

李氏曰黃楊木生諸山野中人家多栽種之。枝葉積聚難長。俗說歲長一寸。其木堅膩。作梳掠。刻印。景范。按西陽雜俎云。世重黃楊。以其無火也。用水試之。沉則無火。凡取此木。必以陰晦夜無一星者伐之。作器皿。則不裂。

黃楊木葉主難產。善催生之藥也。入達生散中屢効。又治暑月瘡毒。搗末。水調敷之。即消。

梔子，味苦，氣寒，無毒，氣薄，味厚，輕浮上行，氣浮而味降。

中陰也，入手太陰，手少陰，足陽明經。

別錄曰：梔子，生南陽川谷。蘇氏曰：今南方西蜀州郡皆有，木高七八尺，葉似李而厚硬，又如兔耳，色深綠。四月五月開花，藍黃，瓣白，芬香六出。夏秋結實如訶子，生青熟黃，中仁色紅，霜後采取，入藥以山谷產者。又以七稜至九稜，圓小皮薄者為上。如家園栽者，形大皮厚而長，雷氏稱為伏梔子，只堪染家。入藥無力。治上焦中焦火病，連殼用，治下焦火病，去殼用。王氏曰：去肌表中熱，用皮去心胸中熱，用仁。治血病，連皮炒黑，搗碎用。蜀中有一種梔子，其花紅色，其實染物則赭紅色。

朱丹溪

桂谷山

○梔子，清氣，涼血，散三焦火，鬱之藥也。方氏曰：蓋梔子之為

性，可升可降，氣味雖居苦寒，而氣本輕清，故前古主五內邪氣，胃中熱，氣酒風，面赤，鼻齇等證，專取此清空寒化之物，能解心肺之伏火，轉炎歆為清肅者也。所以三



大學圖書館

焦浮游之火。六鬱氣結之火。皆可清也。若頭皮疼。兩眉
骨痛。白珠赤而顙頰腫。或喉閉牙疼。口舌腫爛。或熱極
妄行。暴吐衄血。或頭肉耳筋跳扯不時。或心煩鬱悶欲
吐不吐。或濕熱蘊蓄。五疔發黃。或氣鬱火鬱。嘔噦酸苦。
或癰閉脹滿。小腹急疾。以上諸證。總屬氣火。濕熱。四端
壅閉不通之所致。病惟山巵均可治之。又楊氏簡易方
云。山巵瀉三焦之火。最清胃腕之血。其性屈曲下行。降
火從小便中出。凡心胃痛。過服熱耗之劑。愈痛不止。用
巵子以清氣導熱。則痛自安。執此一論。則知山巵輕空
寒化。發越鬱遏不升不降之氣。明矣。但苦寒沉降。解五
內一切邪熱。清有餘之火。如過服。不免有損胃伐陽之

弊凡脾胃虛弱者忌之。血虛發熱者忌之。心肺虛弱者忌之。邪熱者忌之。吐血衄血非陽火暴發者忌之。小便不通由于膀胱虛而無氣以化而非熱結小腸者忌之。皇甫雲州先生曰。凡氣鬱動火。火鬱動氣。濕鬱生熱。痰鬱生喘。熱鬱作煩。血鬱作疼。舍山巵之輕揚六出。宛勝六之飛舞。孰能治之。

盧不遠先生曰。巵子有色。故主色變。凡苦寒之物。能下能堅。惟巵子反使堅結者。解而上出。火空則發之義也。故并作湧洩之劑。如五內邪氣。胃中熱氣。結而未實者。易于分解。已成燥堅者。非所宜矣。

沈則施先生曰。仲景治傷寒汗吐下後。虛煩不得眠。若

劇者必反覆顛倒心中懊懣用梔子豉湯治之。梔子色赤味苦入心而治煩香豉色黑味鹹入腎而治躁益汗吐下後胃中亡津液藏府無潤養內生虛熱故不眠而甚至顛倒懊懣非此不可止也。本草不言梔子能止使景用爲吐藥。梔子本非吐藥爲邪氣在上拒而不納水穀令其上吐則邪因以出所謂高者因而越之也。又用爲利小便實非利小便乃清肺也。肺清則氣化行而膀胱津液之府得此氣化而出也。又治心經留熱小便赤澁用去皮梔子酒炒黃連連翹炙甘草等分末之。水煎三錢服無不利也。又古今名醫錄治發黃皆用梔子茵陳甘草香豉四味作湯飲之。觀此諸論則梔子之清氣

涼血散三焦火鬱之說確然矣

○集方

以

治酒風面赤鼻鼾

西方出方龍源家

版

用山

梔子

炒黑

三錢

桑

白皮

粘

梗

西河柳

麻黃

石膏

各二錢水煎臨睡時服○治頭皮

疼用山梔子炒黑五錢荊芥薄荷石膏各二錢甘草八

分水煎食後服○治眉骨痛用山梔子炒黑川羌活各

二錢水煎服○治時眼白珠暴赤用山梔子炒黑二錢

桑白皮薄荷葉各一錢五分桔梗連翹各八分水煎服

○治頤頰腫痛用山梔子炒黑三錢柴胡半夏各二錢

黃芩防風羌活白芷各一錢水煎服○治火鬱喉閉不

通用山梔子生研五錢荊芥穗二兩水煎徐徐服先用

米醋半盞以鵝羽攪吐痰出後服此藥立効○治牙疼



不止用山卮子炒黑三錢北細辛五分石菖蒲桂枝各一錢水煎汨漱牙間緩緩嚥下○治口舌腫爛用山卮子炒黑五錢川黃連黃柏各二錢枯礬六分甘草三錢共爲末時時摻入口內或加冰片一分○治暴吐衄血因熱極妄行者用山卮子炒黑一兩懷生地二兩炮薑灰五錢水三碗煎一碗徐徐服○治頭肉耳筋不時跳扯用山卮子炒黑三錢天花粉半夏白芥子玉竹各二錢川芎甘草各一錢水煎食後服一方加石膏三錢○如胃虛寒者不必○治心煩鬱悶欲吐不吐用山卮子炒黑半夏薑製各二錢陳皮白茯苓各一錢五分甘草七分厚樸薑水炒一錢水煎服○治濕熱蘊蓄五疸黃證用山卮子炒黑四

錢茵陳五錢白茯苓二錢生薑皮三錢水煎服○治氣

鬱火鬱嘔噦酸苦用山梔子炒黑一錢五分川黃連薑

水炒一錢黃芩天花粉薄荷葉各二錢紫蘇葉八分廣

陳皮廣木香半夏薑製厚樸薑水炒木通各一錢二分

水煎服○治小便癰閉脹滿不通小腹急疾用山梔子

微炒五錢車前牛膝木通白茯苓各一錢五分甘草一

錢水二碗煎半碗臨服時用生韭子三錢研水半盞白

菜肉三十箇研汁半盞沖入藥內食前服○治傷寒汗

吐出仲景書下後虛煩不得眠及心中懊懣者用山梔子十四枚

香豉二合水煎服○治傷寒濕熱發黃腹脹用山梔子

十四枚茵陳二兩大黃一兩水三升煎一升徐徐服服

後小便當利尿如皂角汁狀。正赤者。一宿腹減。黃從小便出也。○治發黃身熱。用山梔子十四枚。黃柏三錢。炙甘草一錢。水煎服。○治傷寒下後。心煩腹滿。起臥不安者。用山梔子十四箇。厚樸。枳實。各二錢。水煎服。得吐即愈。○治大病後勞復。小便不利者。用山梔子十四枚。配鼠矢五錢。作湯飲。得小便利即愈。

○續補雜方

丹溪方

治胃腕火痛。用山梔子七枚。炒黑。水二盞。煎

七分。入生薑汁三四匙。飲之立止。

黎居士方

○治鼻中衄血。用山

梔子燒灰。作細末。吹之立效。

普濟方

○治小便不通。用山梔仁

十四枚。食鹽少許。韭菜十莖。搗爛。

貼臍及毛際。良久即

通。

無驗方

○治小便淋血。澀痛。用山梔子。滑石等分。研細末。葱

湯下。○治酒毒下血，用山卮仁焙研爲細末，白湯調服。

聖惠方

二錢。○治熱毒血痢，用山卮仁十四枚搗細，加白蜜五

肘後方

匙，水煎服，立效。○治臨產下痢，用山卮子炒黑，研細，空

醫金方

普濟方

心白湯調服，三匙，甚者不過五服。○治小兒盤腸釣氣，

用山卮子五錢，草烏五分，切片同炒黑，揀去草烏，每服

五分，茴香、葱頭湯下。○治閃肭折傷腫痛，用山卮子仁

生研末，和小麥麴水調塗之，甚效。

酸棗仁味甘苦酸氣平無毒陽中陰也入足少陽經

少陰太陰四經

蘇氏曰酸棗出汴雒及西北州郡今天下南北東西處處皆有但分土產厚與薄耳。多野半坡坡間及城壘之處其木似棗而皮細中心赤色莖葉俱青夏秋開花似棗八月結實紅紫色似棗而圓小味極酸當月採實取核中仁孟子曰養其棘棘是也又嵩陽子言酸棗縣所出爲眞今之貨者皆是棘實用者尤宜詳辨此說未盡確然蓋不知小則爲棘大則爲酸棗平地則易長崖壑則難大故棘多生崖壑上經久不樵則成幹人亦呼爲酸棗更不言棘實一本也此物纔及三尺便開花結子但科小者氣味俱薄科大者氣味俱厚今陝西臨潼山野間所出更佳此亦土地所宜也○又據嵩陽子云余家于滑臺今酸棗縣即滑之屬邑也其樹高數丈徑圍二三尺木理極細堅而且重可爲車軸及象棋尚陸匙筋等其木皮亦細而硬交似蛇鱗其棗圓小而味酸其核微圓而仁稍扁色赤如丹此爲醫藥所重土人亦不易得今市貨者皆棘子也兩說俱存之以俟博學君子○李氏又一說云獨生而高者爲棗列生而低者爲棘故重者爲棗平者爲棘二物觀名即可見矣



中國醫藥大學圖書館藏

○酸棗仁。欬氣安神。榮筋養髓。和胃運脾。之藥也。孫思邈說按爾雅

云。大者謂之棗。小者謂之棘。其仁均補五藏。如心氣不足。驚悸怔忡。神明失守。或腠理不密。自汗盜汗。肺氣不足。氣短神怯。乾咳無痰。肝氣不足。筋骨拳攣。爪甲枯折。腎氣不足。遺精夢泄。小便淋瀝。脾氣不足。寒熱結聚。肌肉羸瘦。膽氣不足。振悸恐畏。虛煩不眠等證。是皆五藏偏失之病。得酸棗仁之酸甘而溫。安平血氣。欬而能運者也。如前古所云。主心腹寒熱。邪結氣聚。四肢濕痺。痠痛。久服安五藏。輕身延年。別錄之治久泄。虛汗。心煩。骨痺。此大哉至聖之言也。

方龍潭先生曰。酸棗性雖收斂。而氣味平淡。當佐以

藥方見其功如佐歸參可以欵心佐歸芍可以欵肝佐歸朮可以欵脾佐歸麥可以欵肺佐歸栢可以欵腎佐歸苓可以欵腸胃膀胱佐歸耆可以欵氣而灌溉營衛佐歸地可以欵血而榮養真陰又古方治膽氣不和甚佳如膽氣空虛心煩而不得眠炒用可也凡治肝膽心脾四藏不足之病不可缺此

盧不遠先生曰別錄主煩心不得眠者心腹邪結氣聚使然耳服之結散聚消心定煩息故得睡眠又云未有散邪結氣聚之物能使衛氣入藏而就安寢者世人見不得睡眠便用棗仁思之真堪絕倒

○集方治心氣不足驚悸怔忡神明失守用酸棗仁二兩

以下七方出

方龍潭小聚

酸棗仁

炒當歸、茯苓、遠志、石菖蒲、麥門冬、栢子仁、人參各一兩。研末，蜜爲丸。如梧桐子大，硃砂一兩，水飛過爲衣，每服三錢，早晚燈心湯下。○治陽虛腠理不密，自汗盜汗，用酸棗仁一兩炒，當歸、人參、黃耆、白芍藥、白朮俱酒拌炒，各八錢，乾薑七錢，分作五劑，水煎服。○治肺氣不足，氣短神怯，乾咳無痰，用酸棗仁一兩炒，當歸、麥門冬、天門冬、百部、人參、茯苓、黃耆、款冬花各八錢，北五味三錢，甘草五錢，分作五劑，水煎服。○治肝氣不足，筋脉拳攣，爪甲枯折，用酸棗仁一兩炒，當歸、白芍藥、威靈、麥門冬、栢子、川芎、牡丹皮各八錢，半夏、柴胡各五錢，分作五劑，水煎服。○治腎氣不足，遺精滑泄，或小便淋濁，用酸棗

仁、一兩炒。當歸、黃栢、懷生地、山茱萸肉、山藥、地骨皮、枸杞子各八錢俱鹽水炒。分作五劑水煎服。○治胆氣不足、寒熱結聚、肌肉羸瘦、用酸棗仁、一兩炒、當歸、白木香、香砂仁、茯苓、石斛、白茯苓、柴胡、廣陳皮各八錢。用細陳壁土三錢拌炒。共爲末。煉蜜丸。每服五錢。空心白湯送下。○治膽氣不足、振悸恐怖、煩心不眠、用酸棗仁、一兩炒、當歸、茯苓、半夏、膽星、石斛、柴胡各八錢。分作五劑水煎服。臨服時每鍾加真天竹黃五分。研極細調入服。○續補雜方。治膽風、沉睡多眠、用酸棗仁、一兩。生研末。蠟茶一兩微炒。研末。二味和勻。每服二錢。午後白湯調服。○治膽虛不眠、心多煩悸、用酸棗仁、一兩炒。人參五錢。

辰砂三錢俱研細末煉蜜丸梧子大每服十餘丸

喻化下。○治振悸不眠胡洽治上力用酸棗仁二兩炒茯苓白木人

參甘草各一兩生薑五十片分作十劑水煎服○治虛

煩不眠用酸棗仁二兩炒乾薑半夏茯苓川芎各一兩

炙甘草七錢分作十劑水煎服○治骨蒸不眠太平聖惠方心煩熱

甚用酸棗仁二兩炒熟地黃二兩五錢簡便方鼈甲二兩湯泡

洗再用酒炙研碎分作十劑水煎服○治大人小兒睡

中汗出用酸棗仁炒人參茯苓焙各等分大人每服二

錢小兒一錢臨睡米湯調服

蕤核味甘氣溫微涼無毒氣薄味厚陽中陰也入足厥陰經。

別錄曰蕤核生函谷川谷及巴西今彭城亦有蘇氏曰今雍州河東并州亦有木高五七尺莖間有刺葉細狹長似枸杞葉花白色子附莖生紫赤色大如烏豆形圓而扁有文理五六月熟採實日乾修治去殼取仁用湯浸去皮尖劈作兩片研爛作膏用。

○蕤核去肝經風熱爲目病專科之藥也劉禹錫傳信方

苗天壽批

治風熱乘肝目赤痛腫或淚出皆爛或昏澁羞明或翳障凝結或努肉攀睛種種目疾係于風熱所傷者咸宜加用如肝腎兩虛血虧髓少者當斟酌用之前古又主心腹邪熱結氣痰結痞結諸證總之熱則生痰痰礙中焦氣爲之痞此劑甘涼除熱熱邪去而痰自不生痰結

解而氣自通暢痞滿亦無復留結矣。涼肝明目亦推此意云。

○集方治肝和劑局方虛風熱上攻眼目赤腫癢痛昏暗不能遠視

隱澁羞明迎風出淚時見黑花用蕤仁去皮壓去油淨

二兩冰片一錢研勻入淨磁罐收貯點眼名春雪膏○

譚春臺方

治眼病生翳用蕤仁去油淨五分青鹽一分猪胰子五

錢共搗二千下如泥磁罐收貯點之○又次用蕤仁一

兩去油淨入白礬砂一錢麝香一分搗勻收之點眼去

經驗良方

翳妙不可言○治赤爛眼用蕤仁杏仁各一兩去皮搗

去油淨研勻入真鉛粉爲丸麻子大每用熱湯化點大

小眵上。

山茱萸味酸。濇微甘。氣溫。性滑無毒。陽中之陰。降也。入足

厥陰。少陰經。

別錄曰。山茱萸。生漢中山谷。及瑯琊。冤句。蘇氏曰。今海州。交州。兩浙。大閩。近道亦有之。木高一二丈。葉如梅而有刺。二月開花。白色。微紅。似杏花。四月結實。如酸棗。深紅色。五六月采。實日乾。皮甚薄。雷氏曰。外一種胡頹子。葉幹花實俱相似。但核有八稜。又名雀兒蘇。氣味功用。與山茱萸甚相遠。不堪入藥。宜細辨之。修治以酒潤。剉去核用。其核味濇。能耗精氣。不可服食。

○山茱萸固精。暖腎之藥也。蓋滑則氣脫。濇劑所以收之。

陳一齋

本草止小便。秘精氣。取其酸濇以收之也。甄氏又主婦人月水不定。老人小水不節。男子陽道不興。婦人陰器不振。能壯精強志。養髓榮筋。故起腰膝。扶痿弱。每稱捷劑。仲景八味丸用之為君。其作用可知矣。但性味酸歛。



而熱如命門火熾。強陽不痿者。忌之。膀胱熱結。小便不利者。忌之。陰虛血熱。煩熱骨蒸。并暴吐衄血者。忌之。即不得已。有當用者。須與知母同劑尤善。

○集方治小水自遺。

以下六方出方龍潭家秘不禁用山茱萸肉三兩炒。益智子二兩。人參北五味各五錢。牡蠣煨三錢。懷熟地三兩。酒煮。

搗膏。九梧桐子大。每早晚各服三錢。白湯下。如內熱者。本方加川黃柏一兩。○治精滑不固。用山茱萸肉三兩炒。兔絲子白朮白芍藥牛膝各二兩。龍骨牡蠣俱煨過。各一兩。懷熟地四兩。酒煮搗膏。前藥俱爲細末。拌入熟地膏內。再加金櫻子熬膏。和爲丸。梧桐子大。每早晚各服三錢。白湯下。○治婦人月水不依期而來。或參前或

差後用山茱萸肉當歸身各三兩川芎八錢白芍藥懷
生地香附童便炒各二兩黃芩牡丹皮各八錢肝參川
續斷各二兩五錢白朮白薇各一兩俱酒炒共爲末煉
蜜丸每服三錢清晨白湯下○治老人小水不節或自
遺不禁用山茱萸肉二兩益智子一兩人參白朮各八
錢分作十劑水煎服○治男子陽道不興而不嗣婦人
陰器不振而不育用山茱萸肉巴戟天鹿茸牛膝白膠
香兔絲子肉菟蓉車前子枸杞子懷熟地沙苑蒺藜各
三兩牛膝一兩五錢共爲末煉蜜丸梧子大每早服十
丸白湯下如婦人服此加香附醋製益母草酒浸蒸各
二兩○治腰膝無力用山茱萸肉四兩牛膝杜仲枸杞

子白朮半夏麴當歸川芎木瓜各二兩真漢防已三兩
酒浸以川黃柏鹽水炒蒼朮米泔浸各一兩五錢共爲
末煉蜜丸梧子大每服三錢清晨溫酒下。一方加虎骨
三兩火炙酒淬爲末同用。○治腦骨痛腦爲髓之海髓
足則腦痛自除用山茱萸肉五兩沙苑蒺藜熟地黃各
四兩人參麥門冬去心牛膝甘菊花各三兩熟地黃麥
門冬以人乳和酒同煮搗爛成膏餘藥俱用酒拌炒研
爲末熟地黃麥門冬膏再和煉蜜爲丸梧子大每早
晚各服三錢白湯下。

金櫻子味酸。溫。氣溫。無毒。氣薄。味厚。陰中陽也。入足少陰。手陽明經。

韓氏曰。金櫻子在處有之。蘇氏曰。今南中。江浙州郡多有。惟以江西。劍南。嶺外者。最勝。叢生郊野。山林尤多。莖葉酷似薔薇。而多刺。四五月開花。白色。夏秋結實。實亦有刺。形如椒。攪有嘴。如石榴。生青熟黃。核似營實子。而有白毛。宜州本草。誤爲營實。今校之。與營實殊別也。冬月采。日乾用。用水煎汁。作膏。其質如蜜。甘酸可口。滋精甚效。又釀酒飲。補腎養髓有功。

○金櫻子止脾泄下利。截虛嗽。澁精滑。禁老人睡後遺尿。乃大收斂之藥也。日華子十劑云。澁可去脫。如脾虛滑泄不禁。

非澁劑。無以固之。膀胱虛寒。則小便不禁。腎與膀胱爲表裏。斂腎氣。則精滑止。而小便自遺亦可止。因此藥氣味酸澁。入腎與膀胱。大腸三經。而收斂虛脫之氣。故能



本草綱目 卷一
主諸病也。但其氣味既酸且澁。如泄瀉由于虛脫者。可用。由于火熱暴注。或有積滯者。不可用也。如小便不禁。及精氣滑脫。由于陽虛腎冷。命門不足者。可用。由于陰虛內熱。邪火妄熾者。不可用也。

盧子由先生曰。經云。澁可去脫。開腸洞泄。便溺遺失。精神溢瀉。以及血液妄行。寢汗不禁。皆脫也。倘瀉因瀉用。亦莫之敢撓。

前賢李氏曰。夫經絡隧道。以通利爲和平。昧者取收澁之味。以爲養。此自作不善調攝也。若取縱慾而秘精。以爲快樂。亦自速其禍也。如果精氣不固。而自遺自泄者。服之稍可。

○集方治精滑尿遺并久痢不止霜後用竹夾子摘取金

櫻子不拘多少人木臼內搗爛入鍋內水煎減半濾出

清汁以渣再煎仍濾出清汁總和一處緩火熬如湯

入淨磁瓶內每早服十餘茶匙白湯調服又和雞豆粉

爲丸名水陸丹秘精益元甚妙

○金櫻花

氣味與子同

研爛和鐵粉再研勻板白髮塗之卽生

黑者亦可染鬚

○金櫻葉

李氏方

五月五日同桑葉苧葉采取各等分陰乾

研末敷刀傷能止血合口名軍中一捻金

金櫻子丸治精濁

精濁與便濁不同。便濁是硬溺，濁精

道滑也。因相火動，心腎內虛，不能固守也。用金櫻子、實粉、蓮花、鬚、白茯苓、石蓮肉、熟地、黃柏、各二兩，俱用醋拌炒。當歸、身、山查肉、各四兩，牡蠣、煅、黃柏、各二兩，俱用醋拌炒。為末。陳蜜丸。梧子大，每早晚各服三錢，食前白湯下。○治人心有所慕而夢與人交，而遺精者，謂之夢遺，係君心動而相火隨也。用金櫻子三錢，生地黃、天門冬、麥門冬、黃栢、知母、各二錢，茯神、酸棗仁、遠志、石菖蒲、各一錢，甘草五分。燈心一團，水煎服。○治夢遺日久，氣下陷者，宜升提腎氣，以歸原也。用金櫻子、山茱萸、懷熟地、茯苓、石斛、革薢、芡實、酸棗仁、各四兩，黃栢、知母、升麻、蔓本、川芎、各一兩，龜板一觔，共煎汁熬膏。每早晚服。○治濕熱內盛，而遺精者，無所思念，而精遺，腰軟痠疼，口中時吐白痰也。用金櫻子八兩，醋拌炒。白朮六兩，蒼朮四兩，苦參二兩，俱用米泔水浸炒。牡蠣三兩，火煅，共為末。神麴糊為丸。梧桐子大，每早服三錢，白湯下。

郁李味甘酸氣平。無毒。性潤而降。陰也。入足太陰。手陽明。

太陽經。

別錄曰。郁李。卽棠棣。生高山。山谷。及丘陵上。今南北山野處處有之。韓氏曰。樹高六七尺。花粉紅色。葉與枝幹並似李。惟子小。若櫻桃。味甘酸。澇而臭香也。郭氏曰。按詩小雅云。棠棣之華。偏其反爾。又棠棣之華。鄂不韡韡。是也。又一種赤郁李。葉如刺榆。其子正赤而小。五月始熟。關西天水隴西多有之。蘇氏曰。今汁維一種。枝莖作長條。花極繁密。而葉亦多。亦謂之郁李。不堪入藥也。雷氏曰。修治去外壳。再以湯浸去皮。取仁。陰乾。研如膏。打去油用。

○郁李仁。利水消脹之藥也。按前古農皇經。治大腹水腫。

面目四肢浮腫。利小便。通水道。緣脾虛而濕熱客之。則

小腸不利。水氣泛溢于大腹。四肢面目。此藥性專下降。

善導大小二腸燥閉。通利周身水氣。小便一利。則水氣

浮腫悉從之而解散矣。如甄氏主腸中結氣關格不通。大氏之泄五藏中宿積冷膿。膀胱中留垢惡涎。腰膀中瘀穢停水等疾。爲脹爲滿。爲痠痛者。咸宜用之。亦推此意而擴充之也。此藥宣行之性甚速。攻走之力獨專。乃治標救急之藥。如元虛津液不足者。慎勿輕用。如不得已。必不可去者。宜少與之。見効卽止。

○集方治大腹^陽腫滿氣急不得臥。用郁李仁半撮。搗爛。以大麥麴一撮。水和蒸熟。和入郁李仁。作餅吃。入口卽大便通行。泄水而愈。○治老人小便不通。用郁李仁一錢。搗爛。放舌上。以白湯一口嚥之。立刻大小俱通。○治大^林腸氣結不通。或關格。或腫脹。或有冷膿宿積。惡涎停水。

等疾用郁李仁三錢葶藶子一錢共搗爛爲丸如梧
子大每早服八十九薑湯下。○治小兒^{錢乙直訣}襁褓中^{太小便}
不通并有驚熱痰食結閉欲得澹動者用大黃酒浸炒
郁李仁去皮各一錢俱研細滑石水飛過二錢水發爲
丸如菉豆大一歲一丸白湯化下。

郁李根

氣味
同仁

宣結氣破積聚散風蟲牙痛前古治齒斷

腫齟齬堅齒大氏方入齒病諸方屢用屢驗

續補方。治脚氣暴發紅腫脹痛發熱惡寒頭疼嘔吐遍
身骨節痛狀似傷寒者用郁李仁一錢前胡紫蘇各根
防風獨活防已蒼朮木瓜枳殼各二錢加葱頭三個生
薑二片煎服表證退腫痛不退者加大黃一錢兩錢
熱痛如火燎者濕熱盛也本方加黃柏龜板牛膝皮屑
作癢加蟬退牛蒡子豉赤紅腫寒痛手不可門者加
熱盛也加薄荷荊芥秦艽獨活黃柏大便秘不通者加
黃倍部李仁不腫而痛謂之陷脚氣筋脉蹇縮學痛
枯細也宜潤燥養血用郁李仁入錢當歸白朮川芎牛
膝白芍藥木瓜黃柏黃耆枸杞子各四兩俱用酒炒生
熟地黃麥門冬各六兩俱用酒煮鵝膏共為丸梧子大
每早服五錢○兩膝益痛而腫大脚脛漸枯細者各鵝
膠風也用郁李仁一兩黃耆白朮當歸枸杞子生熟地
黃各三兩秦艽龍甲松節五加皮川牛膝杜仲革薢防
風羌活各二兩俱炒燥虎脛骨一對共入布囊內浸好
酒中淨磁罈內蒸半日每日隨量飲

女貞實味苦甘氣平無毒氣薄味厚陰中之陰降也入足少陰經

別錄曰女貞實出武陵山谷今諸處亦有山海經云山多貞木是也李氏曰木肌白膩葉厚而柔長者約四五寸碧綠色而深背淡花極繁多結子累累諸樹而色褐冬月采子即蠟樹也立夏前後取蠟蟲種子置枝上半月後其蟲化出延引枝上造成白蠟民間大獲其利亦名冬青其種與冬青實異按冬青即凍青葉微圓子黑色蟲不造蠟為別也世俗盡用冬青實女貞實不復識二物功用迥別不釋者宜辨之

○女貞實補腎養精之藥也蘋湖方云主強陰精健腰膝

明目精久服鬚髮變白為黑此木凌冬不凋得天地清

陰之氣最厚故入腎養陰生精益髓屢服輒効前古謂

安五藏除百病久服肥健輕身不老益腎本寒藏因虛

則熱而軟此氣味俱陰正入腎除熱補精之要品腎得

補則五藏自安精神自足百病去而身肥健矣然氣味俱陰堪補腎經之陰去腎經之熱如命門火衰腎間陽氣虛而脾胃薄弱飲食不增腹病泄瀉者又當禁用又觀繆氏云變白家當雜脾胃藥及椒紅溫補之類同施不則恐有滑腸動腹之患蓋可知矣

盧不遠先生曰形生本缺金水之精者需此貞實堅固其形然餌服者亦須如女之貞久而不變乃獲其益

○集方治陽火煎熬陰血虧損或骨蒸內熱煩渴引飲或吐血衄血常愈常發或小便時濁小水赤澀或大便久燥結閉不利一切陰虛火勝之證用女貞實八兩酒浸晒乾微炒茯苓山藥各四兩牡丹皮澤瀉各二兩山茱

黃肉三兩俱炒燥研爲末配入懷熟地八兩酒煮枳實
再加煉蜜爲丸如梧桐子大每服三錢早晚白湯下

凍青子

木皮同

味苦微甘無毒陽中之陰降也入足厥陰經

李氏曰凍青亦女貞實之別種也南北諸山野及平澤俱有之以葉微圓而子黑者爲凍青葉稍長而子赤者爲女貞按按荒本草言凍青樹高丈許似枸杞子而極茂盛葉似櫨子樹而小微窄而頗圓五月開細白花結子如豆大生青熟黑

○凍青子去風虛皮膚痛癢之藥也曝乾鹽酒浸一夜九

蒸九晒每日空心酒吞百粒善消痔瘡與枸杞子各等分浸酒飲大益老人

葉搗汁灌^鼻中^頭砒毒吐出立解燒灰入胡粉去面上癰



痕并雀斑甚驗。

烏鬚明目丸。用女貞實一觔。槐角子八兩。何首烏二觔。
切碎。桑葉晒乾揉碎。蒼朮各一觔。烏飯子二觔。六味總和。
蜜四兩。酒六壺。入藥浸三日。晒乾。再浸再晒。以酒乾。
甑蒸一日。再晒乾。微炒。磨爲細末。聽用。茯苓一觔。乳拌。
晒乾炒。牛膝。山茱萸肉。人參。三味。各十二兩。俱酒洗微。
炒。磨爲細末。聽用。懷生地。麥門冬。去心。各二觔。酒煮搗。
膏。和入前九味末子內。搗勻。再加煉蜜少許。再搗三百。
下。九如梧桐子大。每早午晚各食前服一次。每次服三
錢。白湯送下。如脾胃不實者。去槐角子。○治思慮傷
脾。憂愁損志。遇事多忘。或怔忡不寧。驚悸不寐。發熱盜
汗。嗜臥少食。用茯苓。酸棗仁。人參。白朮。黃耆。當歸。

枸骨刺味苦氣涼無毒氣味俱陰入足厥陰少

李氏曰枸骨多生江新間詩言南山有枸是也
貞又如櫛木肌理甚白葉長二三寸青翠而厚
刺角四時不凋五月開細白花結實如女貞及菝
九月蒸時紅色皮薄味甘核有四瓣采其木皮煎
粘鳥雀謂之櫛膠取其
木作盤盆器皿甚佳

○枸骨刺去風濕活血氣利筋骨健腰脚之藥也蘇氏

蓋肝爲風木之位藏血之藏也血虛則發熱熱甚則

風此劑苦寒能涼血清熱故宜主之其活血氣利筋

健腰膝者腰爲腎之府腎乃作強之官也腎虛則濕

乘之而筋骨不利腰膝痿弱味苦入腎正遂其欲堅之

性耳風濕熱去而血氣利筋骨強腰膝自健矣如脾胃

虛寒作泄及陽虛陰痿者忌之



○集方治痰火久不愈用枸骨刺葉煮汁飲極驗益痰火

未有不因陰虛火炎上燬乎肺煎熬津液而成此藥直

入足少陰經補養陰氣則痰火自消如釜底抽薪之意

也兼能散風毒惡瘡昔老妓患楊梅結毒二十年者單

服此藥煮湯作茶飲一年瘡愈而顏色轉筋骨強健皆

假其清熱涼血之功耳○治婦人血氣阻滯及產後惡

血積血血塊兒枕諸血蓄聚證用枸骨紅花玄胡索各

一兩當歸川芎白芍各八錢俱用酒拌炒研爲末每服

五錢空心白湯調下○治一切風濕腰脚不利用枸骨

刺枸杞子五加皮牛膝木瓜當歸各等分浸酒飲

南天燭枝葉味苦澁子味甘酸氣俱涼無毒入手少陰足少陰足太陰經

蘇氏曰南天燭生嵩山今江東州郡及吳楚閩廣諸山極多其枝葉是木而似草凌冬不凋人家多植之庭除本極難長初生是松葉十年後漸長成株高二四尺廬山有盈丈者莖是萌蘗枝節微紫質極柔脆易于摧折葉似冬青而小光澤圓厚四季常青其味少酸七月開花結子成穗生青熟紫得霜則赤如丹酸美可食詩話言卽楊桐也寒食采其葉漬水菜米蒸飯色青可愛謂之烏飯

○南天燭益氣添精涼血養筋之藥也開寶方益顏色堅

筋骨止熱泄益氣力久服輕身延年變白爲黑取莖葉搗爛取汁浸粳米九浸九蒸九曝米粒緊小黑如璧珠布袋藏可適遠方日進一合不饑其子味甘酸功效尤勝以酒浸蒸曝亦各九次日服百粒輕身却老眞仙方

也。

繆仲醇先生曰。髮者。血之餘也。顏色者。血之華也。血熱則髮髮早白。而顏色枯槁。脾弱則困倦嗜臥。而氣力不長。腎虛則筋骨軟疲。而行步不前。此藥入心涼血。入脾益氣。入肝養筋。入腎添髓。其云輕身長年。令人不饑。非虛語矣。凡變白之藥。多是氣味苦寒。有妨脾胃。惟南燭氣味和平。兼能益脾。爲修真家所須。

五加皮。味辛苦。氣溫。無毒。氣味俱厚。沉而陰也。入足少陰厥陰經。

別錄曰。五加皮。生漢中。及宛句。蘇氏曰。今江淮湖南州郡。及汴京北地。亦有之。宿根再發。春苗叢生。莖赤葉青。莖類藤葛。高六七尺。或丈餘。枝葉交加。間有刺。舊名白刺。每葉五出。香如椒。攪或三出。五出者佳。三出者亦可用。惟四出者。不堪用。葉類薔薇。邊有鋸齒。四月開白花。隨結青子。六月子轉黑色。得霜則紅紫。十月采根。皮黃黑色。肉白色。內骨堅勁。南產者根類枸杞。木皮潤厚。輕脆。芳香。可入人藥。造酒最良。北產者類秦木。藥木。樹皮平直如板。其色白。無香氣。僅療風痛。餘無所宜。今吳中。剝野椿皮。亦有香氣。偽充五加皮。柔初無味。殊為垂夫。李氏曰。春月于舊枝上抽莖。山人采為蔬。茹正如枸杞。生南方堅地者。如草類。生北方沙地者。如木類也。唐時惟取峽州者充貢。

○五加皮。活血祛風。舒筋定痛。省四肢痺痿之藥也。故大氏方主四肢拘攣。腰脊疼痛。或痺風脚氣。腫痛難履。或

小腹疝氣。羣丸挺脹。或男子陰痿囊濕。小便餘瀝。或女
人血室不調。瘀留脹痛。蓋此藥辛香溫散。專疎厥陰。凡
下部一切風寒濕熱結聚不散。如陰癢。陰疽。陰腫。陰痛。
陰脂。陰挺。有關肝腎二經濕滯血傷諸病。咸宜用之。如
下部無風寒濕邪。而有火者。不宜用。肝腎陰虛。血少火
熾者。亦須忌之。

方龍潭先生曰。五加皮配羌獨活。能散風清濕。配四物
湯。能活血調血。配牛膝杜仲。能健力腰腎。配青皮白芍
藥。能瀉肝氣。配熟地黃枸杞子。能補腎精。又云。凡風病
飲藥酒。多生痰火。惟五加皮一味。浸酒。日飲數杯。最有
益人。凡釀酒用五加皮。與酒相宜。其色味俱美也。

○集方

以下入方例此類方

治濕熱痿痺腰以下不能行動者用五加皮牛膝

木瓜黃柏麥門冬生地黃薏苡仁虎脰骨石斛山藥各

等分○治腎虛寒濕客之作腰痛者用五加皮川續斷

山茱萸巴戟天補骨脂牛膝杜仲肉桂各等分○治風

寒濕痺及腳氣腫痛用五加皮白蘚皮石菖蒲薏苡仁

白茯苓川羌獨活白朮蒼朮草薢牛膝木瓜各等分○

治小腹寒疝罌丸挺脹用五加皮小茴香胡盧巴白朮

青皮肉桂荔枝核當歸烏藥各等分○治男子陰痿小

便餘瀝囊濕作癢或潰爛者用五加皮益智子赤石脂

車前子小茴香茯苓巴戟天各等分○治婦人血室不

調瘀留脹痛用五加皮當歸川芎玄胡索白芍藥紅花

牡丹皮、桃仁泥、各等分。○治下部濕瘡久不愈。兼治周
身膿窠瘡。用五加皮、薏苡仁、金銀花、石菖蒲、胡麻子、土
茯苓、連翹、蒼朮、黃柏、黃耆、木瓜、各等分。以上數方各等分者。臨證置丸。
或煎湯。或作丸。或早服。晚服。隨病取法也。○治婦女陰中一切諸病。或瘡癰
腫痛癢。脹脂挺八種。只用五加皮一味。煎汁飲。并熏之。
洗之。○治小兒三歲不能行。用五加皮五錢。牛膝、木瓜、
白朮、各三錢。共爲末。每服五分。米湯調。入酒二三滴和
服。

枸杞子味甘微苦氣寒性潤無毒可升可降陰中陽也

足少陰足厥陰經

別錄曰枸杞生常山平澤及諸丘陵阪岸間蘇氏曰春發苗如榴葉狀軟薄堪作茹食莖餘叢生高三五尺李氏曰古取常山爲上後世惟取陝西甘肅者稱絕品今陝之蘭州靈州及九原以西者並是大樹其葉厚根粗七月作花紫色隨結紅子實形長如棗核或圓如櫻桃曝乾緊小少核色亦紅潤甘美味如甜葡萄可作果食凌冬不落二月葉發五月再發其實乃謝七月葉又發花卽隨之極易延蔓根深者一發三四尺枝莖寸截或分劈橫埋土中旬日便發易生如此冬采根春采葉夏采子秋采莖功用並同農皇經名繁葉實根莖後世始岐而二之以根皮有清熱滋補之異而畧言莖葉更以根去骨存皮則又不可詳矣別有一種名枸棘相類但實圓枝節間有刺不堪用雷氏曰修治取子鮮明紅潤者洗淨曝乾臨用以醇酒拌微炒取莖葉根惟曝乾用

○枸杞子潤肺生津補腎添精之藥也前古言生血氣強陰陽耐寒暑堅筋骨止消渴去風濕周痺有十全之功



故甄氏方治內損不足精元失守以致骨髓空虛腰脊無力血虧眼花虛蒙昏澁又治骨間風痛腎藏風癢陰不致陰衰興陽常使陽舉俗云枸杞善能治目非治目也能壯精益神神滿精足故治目有效又言治風非治風也能補血生營血足風滅故治風有驗也世俗但知補氣必用參耆補血必用歸地補陽必用桂附補陰必用知柏降火必用芩連散濕必用蒼朮祛風必用羌獨防風殊不知枸杞感天令至陽之氣而兼地之至陰之氣以生四氣全備五精具存能使氣可充血可補可生陰可長火可降風濕可去有十全之妙用焉繆曰雖爲益陰除熱之上藥但質性甘滑而潤

寒痰冷癖。時作泄瀉者。勿入。如不得已。必須用者。當與
苓朮。骨脂。諸實。腸藥同用。方穩。

前賢蘇氏曰。淮南枕中記。載西河女子。服枸杞法。正月
上寅日。采苗。卽修治。二月上卯日。服之。三月上辰日。采
莖。卽修治。四月上巳日。服之。五月上旬日。采葉。卽修治。
六月上未日。服之。七月上申日。采花。卽修治。八月上酉
日。服之。九月上戌日。采子。卽修治。十月上亥日。服之。十
一月上子日。采根。卽修治。十二月上丑日。服之。修治者。
以修煉須得法也。采苗莖葉花子根。俱卽用酒拌蒸。一
晝夜晒乾。或作丸服。或浸酒飲。以丸行陽。須早晨服三
百九。白湯下。以酒行陰。須黃昏臨睡時飲之。此卽修治

法也。○又一方不拘時日采苗莖葉花子根隨時收取隨時曝乾總藏布袋內掛簷下有風日無雨露處俟苗莖葉花子根俱齊共搗碎以好酒拌蒸一晝夜晒乾研爲末或煉蜜丸服或浸酒服兩用隨便。

又按周浩然日鈔云宋徽宗時順州築城得枸杞根于土中其形如獾狀馳獻闕下乃仙家所謂千歲枸杞其根如犬者也據此說則枸杞之滋益不獨在子而根亦不止于退熱而已又按李氏言苗莖葉花子根氣味有殊而主治未必無別蓋其苗乃天精苦甘而涼上焦心肺客熱者宜之根乃地骨甘淡而寒下焦肝腎虛熱者宜之此皆三焦氣分之藥所謂熱淫于內瀉以甘寒也

至于子。則甘平而潤。性滋而補。不但退熱。更能補腎生精。益氣潤肺。此乃平補之藥。所謂精不足者。補之以味也。分而用之。則各有所主。兼而用之。則一舉兩得。善業者當自審而行之。

○集方

陸象山方

治老幼及少年男婦血氣不足精神短乏用枸杞

子一觔酒浸半月石臼內搗如泥配當歸白朮各四兩

茯苓二兩人參一兩俱微炒燥研爲末和入枸杞膏內

煉蜜少許搗爲丸梧子大每早服五錢白湯下如脾胃

虛寒多滑瀉者本方加補骨脂三兩木香肉桂各一兩

如肝腎陰虛多夜熱煩渴者本方加龜膠生地知母各

三兩如老人腸枯血燥難大便秘者本方加肉蓯蓉搗膏

六兩。○治筋骨血氣虛羸腰膝乏力。用枸杞子每早晨

乾嚼一兩。或用溫酒吞送亦可。○治虛勞苦渴不止。用

枸杞子八兩。酒拌微炒。地骨皮十兩。微炒。共研為末。麥

門冬去心。熟地黃各四兩。酒煮搗膏。和前藥共為丸。梧

子大。每早晚各服四錢。白湯下。○治痺證屬風濕。用枸

杞子一觔。真漢防已四兩。俱用酒拌炒。真羌獨活一兩。

川牛膝木瓜各五錢。俱微炒。研為末。煉蜜丸。梧子大。每

早服三錢。白湯下。○治內損不足。精神失守。以致骨髓

空虛。腰脊無力。或血虧眼暈。虛蒙昏澁。用枸杞子一觔。

酒拌濕。一晝夜。懷熟地八兩。酒煮。俱放石臼內。搗爛。配

茯苓白朮山藥沙參各二兩。人參北五味子各一兩。龜

膠、蛤粉炒三兩俱研爲末，共搗爲丸，如梧子大，每早服

各服四錢，白湯下。○治骨間風，朱心恒于木用枸杞子四兩，防風

秦艽羌活獨活海桐皮白朮當歸枸杞骨刺各二兩，桂枝

五錢俱炒燥，虎骨三兩火炙酒淬搗碎，共爲末，煉蜜丸

梧子大，每早晚服三錢，白湯下。○治腎藏風癢，血風皮

注，黃水浸淫，腿足瘡癰，延蔓不已，用枸杞子四兩，白蘚

皮，金銀花，當歸，生地，蒼朮，紅花，真漢防已，木瓜，牛膝，各

二兩，分作十五劑，水煎服。○治眼目昏澁，淚出眵脹，常

愈常發，用枸杞子四兩，甘菊花二兩，密蒙花三兩，當歸

一兩，川芎八錢，俱酒拌炒，研爲末，用熟羊肝十箇搗爛

爲丸，如梧子大，每早服五錢，白湯下。○治一切風氣風

痺風痛風瘡風癰諸證用枸杞子一觔天麻川芎防風
當歸黃耆白芍藥海桐皮膽南星川羌活白木各四兩
俱酒炒殭蠶三兩醋炒白附子二兩童便拌炒共研爲末
禾煉蜜丸梧子大每早晚各服三錢白湯下○治腎經
虛損眼目昏花或雲翳遮睛用枸杞子一觔好酒浸透
曬乾炒川椒小茴香芝麻川楝肉各一兩白朮茯苓各
二兩俱炒燥共研爲末懷熟地四兩酒煮搗膏拌入藥
末內和勻再加煉蜜丸梧子大早晚各服五錢俱用白
湯下○治血虛變生一切風證每日早晚只取枸杞子
一兩煎湯飲并食其渣服二兩全愈○治一切癰疽惡
毒潰爛不已及癰癰結核馬刀肉癭延結不休或風毒

注上愈下發左消右起延串不止或便毒魚口楊梅
破爛日久不合只用枸杞子一味每早晚一兩乾嚼以
川草薺五錢煎湯傳送服百日全愈。

○續補集方治腎虛腰痛用枸杞子地骨皮各一觔川杜

仲川草薺各十兩俱曬燥微炒以好酒三斗淨罈內浸

之養一日濾出渣早晚隨量飲之。○治注夏虛病每日

用枸杞子一兩北五味子三錢俱研細入淨磁壺內白

滾湯泡代茶飲。○治虛勞內熱時發寒熱

并肺熱咳嗽之因陰虛者用枸杞子一觔懷熟地麥門

冬天門冬地骨皮青蒿百部玉竹各八兩北五味一兩

鼈甲滾湯泡去垢膩枇杷葉刷去毛淨各十二兩清水

煎汁三次去渣淨將三次汁總和入砂鍋內慢火熬成膏量膏汁多少加煉蜜減半和入再畧熬數十滾入淨磁瓶內收之早晚服數匙白湯調下

地骨皮味甘淡氣大寒性沉無毒入手足少陰足厥陰經

雷氏曰地骨皮卽枸杞之根掘取以清水洗淨刷去土去心用

○地骨皮益陰涼血之藥也甘寒純陰主瀉腎熱去胞中之伏火治虛勞止有汗之骨蒸陳氏方又治吐血衄血腸風便血淋血諸疾總不外滋陰涼血去肝腎虛熱之意如虛勞火勝而脾胃薄弱食少泄瀉者宜減之

王紹隆先生曰骨中火熱爲毒煎耗真陰以地中之骨皮甘寒清潤不泥不滯非地黃麥門冬同流

了山先生曰其得土令之正其氣寒得寒水

化故主夏氣病藏之邪致骨蒸煩熱也

○集方

治男婦婦人良方骨蒸夜熱

不論有汗無汗用地骨皮五兩

當歸身一兩二錢川芎六錢牡丹皮白芍藥各二兩懷

生地三兩分作十劑水煎服

○治吐血

以三升方衄血不止

用地

骨皮三兩懷生地一兩八錢白芍藥一兩五錢牡丹皮

九錢甘草六錢分作三劑水煎服○治腸風便血用地

骨皮牡丹皮蒼朮米泔水浸各一兩分作四劑水煎服

○治男婦血淋不止用地骨皮白芍藥車前子懷生地

各三錢甘草一錢水煎服

○治口舌糜爛

蘭夢秘方水穀難下

以

地骨皮柴胡各三錢水煎服



滋陰清化丸。清痰火。滋化源。養肺腎。用地骨皮。枸杞子。
白茯苓。山藥。知母。黃柏。白芍藥。薏苡仁。沙參。各二兩。
五味。一兩。俱用鹽水拌炒。研爲末。天門冬。麥門冬。熟地。
黃。各四兩。俱用酒煮。搗膏。煉蜜。共和爲丸。如梧桐子大。
每早晚各食前服三錢。白湯下。元虛者。加人參一兩。
治思慮憂愁。抑鬱心中煩躁。以致小便赤濁。或成沙石。
血膏淋證。或夜夢遺精。淋瀝澀痛。或黃赤白濁。色如米
泔。或酒色過度。上盛下虛。心火炎上。口苦咽乾。漸成消
渴。用地骨皮。石蓮子。車前子。生地黃。茯苓。黃耆。麥門冬。
黃芩。知母。黃柏。各二錢。人參。白芍。各一錢。水煎服。

牡荊實味苦溫無毒可升可降陽也入足陽明

蘇氏曰牡荊實生眉州蜀州及汴京南陽宛句

荊故字之別荊楚之地獨多因此地各荊也山人多有

枝對生不作蔓一葉五葉或七葉葉如榆長而尖有

鋸齒五日開化成穗紅紫色其子大如胡荽子而有白

膜裹之李氏曰荊有青赤二種青者為荊赤者為楷嫩

條皆可作茗簡古者貧婦以荊為釵即此二木也又按

廣州記云荊有三種金荊可作枕紫荊可作牀白荊可

作履與他處牡荊荳荊異又杜氏拾遺錄云南海山中

多金荊大者廣十圍盤屈稜突又如美錦色如

真金工人采用貴如沉檀此又荊之別類也

○牡荊實散寒邪下逆氣之藥也別錄方止欬逆下結氣

止心胃卒痛消脚氣腫疼散小腸疝氣除骨間寒熱如

瘧諸證此藥善走陽明厥陰寒濕之疾用之立時解散

誠輔正驅散之劑也如欬逆由于氣虛胃痛由于鬱火

脚氣由于脾弱不運諸證不因寒濕外邪者俱忌之

○集方治欬逆結氣不能升降因有寒鬱者用牡荊實二

錢紫蘇子二錢俱研細生薑三片水煎服○治心胃卒

痛用牡荊實三錢微研細白湯吞服○治脚氣腫痛而

脹用牡荊實五錢牛膝木瓜川獨活各二錢水煎服○

治小腸疝氣作痛用牡荊實五錢小茴香炒荔枝核火

炙焦酒淬各三錢共爲細末白湯調服三錢○治骨間

寒熱如瘧用牡荊實一兩微炒研真銀柴胡半夏麴黃

芩各六錢甘草二錢分作四劑水煎服

○牡荊莖葉○治腰脚風濕痛用牡荊莖葉十數觔煎湯

淋洗腿足自愈又方用牡荊莖葉晒乾罈內燒烟熏湧

泉穴及痛處使汗出即愈。○治毒蛇咬傷滿身紅腫發

泡用黃荆嫩葉搗汁塗傷處并將渣敷傷處即消。

荆瀝味甘氣平無毒可升可降入手少陰太陰足陽明厥

陰經。

李氏曰。取荆瀝法。用新采牡荆莖。截長一尺五寸。兩頭架磚中間用炭火燒炙。兩頭以碗承取。滴下瀝汁。每瀝汁一盃。加薑汁三匙。以湯頓熱服。又法。以牡荆莖截一尺長。束入甌中。再以一甌合住。兩甌對口處。以綿紙糊封。再以好滋泥糖固。埋糠火中煨燒。其瀝汁入下甌中。更妙。

○荆瀝活痰利氣之藥也。善治中風昏危。痰迷氣閉。語言

不出。目睛不活。或痰厥頭痛。頭風旋暈。或小兒風癇痰

搐。急慢驚風。諸證。此藥專除風熱。導痰涎。開經絡。行血

氣。稱仙劑也。須元氣充足。能食者。宜加之。如中氣虛而

食少。大便不結者。宜少之。

○集方治中風昏危。同醫韓仲白痰迷氣閉。語言不出。目睛不活。用荆

瀝一盞。和生薑汁五六匙。調勻。用半夏三錢。南星二錢。

木香一錢。當歸白朮各一錢五分。甘草五分。水二碗煎

七分。乘熱和荆瀝徐徐服。○治痰厥頭痛。頭風旋暈。用

荆瀝一盞。和生薑汁五六匙。調勻。用半夏天麻各三錢。

膽星白芥子各二錢。茯苓陳皮各一錢。黃芩一錢二分。

水二碗。煎七分。乘熱和入荆瀝徐徐服。○治小兒風癇。同上

痰搐。及急驚慢驚。諸證。用荆瀝半盞。和生薑汁三四匙。

用半夏天麻各一錢五分。陳皮七分。茯苓一錢。甘草五

分。蟬蛻殭蠶三錢。水碗半。煎五分。乘熱和荆瀝徐徐服。

蔓荊實味苦。氣溫無毒。氣味清薄。浮而升。陽也。入足太陽陽明厥陰經。

蘇氏曰蔓荊子出汴京及秦隴明越州郡今江南海陽亦有多生近水處苗葉蔓延長丈許莖中心方對節生枝小弱如蔓故名春時舊枝發小葉類小棟五月葉大如杏葉六月作穗復出青莖將開則黃開時花色紅中雜白九月結實有黑斑大如怡文極輕虛實上近蒂處有白膜蓋之冬月葉凋莖能耐寒次年復發修治去蒂下白膜細乾用。

○蔓荊子主頭面諸風疾之藥也。前古主通利九竅活利關節明目堅齒祛除風寒風熱之邪。其辛溫輕散浮而上行。故所主頭面虛風諸證推其通九竅利關節而言。故後世治濕痺拘攣寒疝脚氣入湯散中屢用奏效。又不拘于頭面上部也。凡頭目風痛不由風寒之邪而出。

于血虛有火者勿用也。痿痺拘攣不由風濕之邪，而由
于陽虛血涸筋衰者勿用也。寒疝脚氣不由陰虛，而由
而由于肝脾羸敗者亦勿用也。

繆仲醇先生曰：邪去則九竅通明，痺散則關節活利。

○集方治頭面諸風疾用蔓荊子五錢，枸杞子，白附子，

菊花，玉竹，防風各二錢，俱酒拌炒，甘草八分，水煎服。

○治九竅不通，目昏耳閉，鼻癢，口舌塞澀，二便不通，用蔓

荊子三錢，研川芎，北細辛，辛夷各一錢，茯苓，白朮各二

錢，車前子，牛膝，草薢各二錢五分，生薑三片，水煎徐徐

服。○治關節不利，周身強痛，用蔓荊子三錢，川羌活當

歸身，紅花，牛膝，木瓜各二錢，川芎，黃柏，木通各一錢五



分水煎服。

○治風寒侵目。腫痛出淚。澁脹羞明。

用蔓荊子三錢。荊芥。白蒺藜。各二錢。柴胡。防風。各一錢。甘草五

分。水煎服。

○治齒牙攻痛。動搖不堅。因風。因火。因寒。濕

者。用蔓荊子三兩。川芎。白芷。各五錢。北細辛。辛夷。各一

錢五分。俱炒。研爲末。每早以手指蘸末。藥擦齒。絕妙。○

治濕痺拘攣疼痛。用蔓荊子四兩。酒拌炒。枸杞子。川草

薢。當歸。白朮。蒼朮。紅花。牛膝。秦艽。杜仲。川羌活。川黃柏。

各二兩。俱醋拌炒。共爲末。每早午晚各食前服一錢。一

分。白湯調下。○治寒疝鑽痛。用蔓荊子一兩。乾薑。小茴

香。各五錢。吳茱萸三錢。木香一錢。甘草五分。服後不愈。

倘加冷汗呃逆。吐蛔蟲者。本方加製附子四錢。人參。白

木各五錢。水四大碗煎一碗。冷服。○治脚氣重痛難履。
用蔓荊子三錢。牛膝。木瓜。青皮。陳皮。烏藥。半夏。川芎。法
秦。朮。藁本。黃柏。各二錢。水三碗煎八分服。○治偏頭風。
痛。日將損者。用蔓荊子一兩。甘菊花。白蒺藜。去刺。土茯
苓。黃芩。荊芥。芽茶。川芎。羌活。黑豆。各五錢。俱酒拌炒。研
爲末。每早午晚各食後服一錢五分。白湯調下。○治乳
癰。初起可消。用蔓荊子一兩二錢炒。研爲末。酒水各一
碗煎一碗。半飽服。渣敷患上。

紫荊味苦氣平無毒入足厥陰經血分

蘇氏曰紫荊處處有之寇氏曰木似黃荊葉小無托着
開紫色花甚細碎聯結作朶花不附枝生無常處或生
于木身之上或生于縱曲兩叉之間花罷葉出光簇綠
圓人家園圃庭院多植之卽田氏之紫荊也結子至秋
熟而紫圓如小茱取皮入藥以川
中厚而紫色味苦如瞻者爲勝

○紫荊木皮破宿血（月）（華）子活新血解癰腫散（陳）（藏）（器）蟲毒之藥也開竅

陳
湛
器

方治婦人血氣刺痛經水凝滯。凡一切血分不和之疾。

如瘀血爲病作癰疽痞積或蠱毒淋閉諸證咸宜用之。然苦能泄結寒能解熱紫色能入營分故前人入外科諸方外敷內服屢奏功效除癰毒方藥外他用甚鮮。

○集方治一切癰疽發背初生單用紫荊皮爲末薑汁酒調蘘住自然撮○并內服之乃救貧之良劑也○治婦

朱氏補遺方

人血氣諸病用紫荊皮爲末紅麴研細醋煎滾打糊爲

丸如梧子大每早晚各服五丸白湯下○治血蠱不散

用紫荊皮爲末每早未食時服二錢白湯下○治五淋

閉證用紫荊皮煎湯每早飲一碗○治鶴膝風攣用紫

荊皮三錢好酒煎服日二次○治產後諸淋用紫荊皮

五錢酒水各一碗煎服

木槿花根同味甘氣平性滑無毒

寇氏曰木槿花南北隨處即有可種可托其木如菊葉末尖而有亞齒五月開花甘花小而或白或粉紅有單葉千葉者故月令云仲夏之月木槿榮是也結實輕虛大如指頭秋深自裂其子如榆莢馬兜鈴之仁仁有毒形種之易生其嫩葉可作茹食又可作茗搗汁洗諸物去垢膩南方婦女以此洗髮去垢且銀色黑今瘍醫用皮治瘡癰多取川中來者厚而色紅他處不及也

木槿潤燥活血去痢逐積消癰特珍疥之藥也其花葉性滑

而利善治赤白積痢乾澁不潤下墜欲解而不解搗汁

和生白酒溫飲即止其根皮性韌而澁善治疥癬蟲蝕

諸瘡腫痛且癢腫痛者酒調敷之搔癢者米醋磨汁搽

之即愈又花葉搗爛敷消癰毒暑癰取其滑利而散也

又根皮止赤白帶下取其韌澁而收固也分而論之花

葉苦寒。能除諸熱。滑利。能導積滯。根皮勒澣。能止帶下。能化蟲癰瘡。也。惟取川中所產。肉厚色紅者良。

金匱和尙傳

治五種淋證。氣淋者。小便澀閉。常有餘瀝也。沙淋者。莖中痛。努力而出。如沙石也。血淋者。尿中帶血。莖中抽痛也。膏淋者。尿出如膏糊白漿也。勞淋者。勞倦卽發。尿出而欲通不通。澀且脹痛也。五淋總屬膀胱有熱。清氣不化而然。用槿樹花葉。搗汁一盞。配茯苓黃芩山梔澤瀉木通甘草黃連各一錢。白菓肉三十個。水煎。臨服加槿樹花葉汁。氣淋。本方加燈心沙淋。加海金沙。血淋。加生地。膏淋。加白朮。勞淋。加入參麥門冬黃耆。已上五淋。如味俱各二錢。

木芙蓉花葉味辛氣平無毒

李氏曰木芙蓉南北處處有之。挿條即活。其餘叢生如
蒨高者丈許或六七尺其葉大如桐有五尖及七尖者
冬凋夏茂秋半始作花。花類牡丹。芍藥有紅者白者
黃者單黃者最耐寒而不落不結子。花朝開其色白
暮稍紅。次日又深紅矣。花
葉俱霜後采。陰乾入藥用。

○木芙蓉花葉清肺涼血散熱解毒之藥也丹溪方治一

切大小癰疽腫毒惡瘡不拘未成已成未破已破並用

木芙蓉或葉或花或皮或根或生搗或乾研加赤小豆

水浸搗爛和入以蜜調塗于腫處四圍中間留孔如乾

卽以薑汁潤之初起者搽上卽覺清涼痛止腫消已成

者卽膿聚毒出已破者卽膿出易飲妙不可言又韋氏

方治久欬不已以花葉爲末蘸百合食之屢效赤眼腫

痛以花葉水搗貼太陽穴立止。

李蘋湖先生曰此藥味辛性滑氣平不寒不熱質力凝粘敷貼癰疽腫毒之功殊有神効卽不全愈亦減毒勢十之五司瘍醫者當早備臨病應用可也。

蠟梅味辛氣溫無毒。

李氏曰蠟梅色似蜜蠟雖臘月開故字從蠟樹小長者不滿丈叢枝尖葉凡三種以子種不經接者開小花尖瓣而香淡名狗蠟梅經接而花大開時含口者名磨口梅花密而香濃色深黃如紫檀者名檀香梅最佳三種俱結實如垂鈴尖長近寸內子下地亦能生其樹皮及枝條浸水磨墨洗字有光采。

蠟梅花葉搗爛敷貼瘡痞極神出虞氏方

密蒙花味甘。氣平。無毒。入足厥陰經。

蘇氏曰密蒙花出蜀中州郡樹高丈餘葉似冬青但柔而不光潔而淺綠背有白毛其花細碎數十房成一聚紫密蒙茸如簇錦故名利州甚多冬蒞春開三月采花日乾用形與芫花相似但芫花狹小而密蒙花差大爲異用者宜細辨之

○密蒙花養目血。去目風解目熱之藥也。王氏方言專入肝經治眼目諸病不拘久暴或風熱暴感而目赤腫痛眇障淚流或血氣久虛而睛失所養昏蒙不見或青盲膚翳或畏日羞明或小兒麤痘成翳疳氣攻眼浸淫濕爛諸證密蒙花統能治之蓋肝開竅于目肝氣調和目無病矣此藥治目之外並無他用。

無病矣。此藥治目之外。並無他用。

王紹隆先生曰。此藥繫密蒙茸。巧如簇錦。此象形命名。

也。又說文云：瞳矇曰蒙。有目無眸也。此藥善治眼病，眇淚翳障，以及青盲。此又以功用爲名也。

○集方治風熱濕熱眼赤腫痛，用密蒙花三錢，甘菊花、芥穗、龍膽草、川黃連、防風、白芷各一錢，甘草六分。水煎服。○治肝腎氣血兩虛，眼目昏暗，蒙昧不明，用密蒙花、枸杞子各四兩，甘菊花、穀精草各二兩，懷熟地、山茱萸各三兩，明天麻、白茯苓、當歸各二兩五錢，沙苑、蒺藜、蒺藜各五兩，俱用酒洗炒，共爲末，用羊肝三十箇，先將羊膽汁拌藥末，隨用羊肝搗爛成膏，和入藥內，如乾，量加煉蜜少許，搗二千下，爲丸，梧子大，每早晚各服三錢，白湯下。○治眼目青盲翳障，用密蒙花三錢，木賊草、白蒺

桑各一錢。決明子、穀精草各二錢。水煎服。○治目畏日
羞明。用密蒙花三錢、生地黃、黃芩各二錢。水煎服。○治
目胞濕爛、浸淫多淚。用密蒙花三錢、白朮二錢、葳蕤五
錢。水煎服。○治小兒痘後餘毒不散、攻眼。用密蒙花一
錢、黑豆、菉豆、赤小豆各四十九粒。水煎服。○治小兒疳
積、攻眼不明。目將瞎者。用密蒙花一兩、使君子肉三錢、
白蕪荑五錢、胡黃連二錢、蘆薈一錢。共爲末，錫糖爲丸。
如雞豆大。每早晚各服一丸。白湯化下。○治一切目病。
因積視久、視專、睛著視、有勞目睛、以致昏脹、腫痛、不明
者。用密蒙花五錢、甘菊花二錢、麥門冬去心八錢、當歸
身一錢五分、玉竹四錢。水煎服。

以上數方出江西
楊剛宇經驗手集

山茶味苦澹氣平無毒

李氏曰山茶產南方樹生高者丈許枝幹交加葉面深綠色背淡其形中濶頭尖厚硬有稜初芽色味類茶後得茶名秋終作黃花冬盡開花紅瓣又格古論云茶有數種實珠者花簇如珠最勝又海榴茶花帶青不凋茶花中有碎心躑躅茶花色如杜鵑宮粉茶花更珠茶花皆粉紅色又一種一捻紅千葉紅千葉白等名不勝數葉各小異或云亦有黃色者又虞衡志云廣中有南山茶花大倍中州色微淡葉薄有毛結實如梨中有數核如肥皂核大又有取嫩芽煉熟水淘可食故荒炒燥亦可作茗

○山茶花涼血止血之藥也丹溪方治吐血衄血腸風下

血凡血因熱而動者並用紅山茶花三兩鮮者搗爛生薑湯調服如無新鮮以乾者爲末每早晚各服二錢白湯調下

柞木味苦氣寒無毒

李氏曰柞木南北東西在處山中有之。高丈餘葉小而
有細齒光滑而韌其木及葉丫皆有針刺終冬不凋五
月開白色花細碎不結子其木心亦白色。陳氏曰柞木
居南方居多今之作梳者是也此木堅硬可爲斧鑿柄
又橡櫟之木亦名柞木非此木也。

○柞木活血利竅治難產解癰毒之藥也其性專于下達

陳氏方以此木煎汁治黃疸病者何也蓋黃疸因濕熱

鬱于腸胃而發此藥味苦氣寒苦能利濕寒能除熱兼

得下走利竅之性則濕熱皆從小便出而黃自退矣故

蘋湖方催生產解癰疽腫毒之用亦不外此意云

○集方治婦人難產不拘橫生倒養及胎死腹中用此屢

効用大柞木枝一尺洗淨大甘草五寸俱寸折以新汲



水四升。同入大砂鍋內。以紙三重緊封。文武火煎至一
升。待腰腹重痛欲坐草時。溫飲一小盞。便覺下路開。如
渴。再飲一盞。至三四盞。下重便生。更無諸苦。切不可
坐草太早。及穩婆亂爲也。○普濟方治諸般癰腫發背。用柞木
葉乾荷葉中心蒂。乾萱草根。甘草節。地榆各四兩。細剉
每用五錢。水二碗。煎一碗。早晚各一服。未成者。其毒自
漸消散。已成者。其膿血自漸乾收也。